



Broj: 02-04-2-323/24
Maglaj, 28.02.2024. godine

ZAPISNIK

sa 35. redovne sjednice Općinskog vijeća Maglaj
održane dana 28.02.2024. godine u 16:00 sati u Salu Općinskog vijeća
JU Dom kulture «Edhem Mulabdić» Maglaj

Predsjedavajuća Aida Bašić: Na osnovu člana 59. Poslovnika o radu Općinskog vijeća Maglaj, zaključaka Kolegija od 20.02.2024. godine, otvaram 35. redovnu sjednicu Općinskog vijeća Maglaj

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić, Mirza Mešić i Edin Osmić. Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Ferić.

Sve vas selamim i pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. Molim predstavnicu Službe Općinskog načelnika i Općinskog vijeća da prozivkom vijećnika utvrdimo broj vijećnika na 35. redovnoj sjednici Općinskog vijeća Maglaj. Današnjoj sjednici Općinskog vijeća prisustvuju 23 vijećnika, nisu prisutni Begić Jasmin i Vehabović Elvir. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo i verifikaciju zapisnika sa prethodne 34. redovne sjednice Općinskog vijeća i 1. tematske sjednice, ima li primjedbi? Nema, ko je za verifikaciju?

Glasalo za : Svjetlana Zamboni, Elvir Arnautović, Jasmin Đuhara, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BH), Aida Hadžić (DF), Mađid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejić, Eldis Kusur, Edin Osmić (samostalni vijećnik), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno verifikovali zapisnik sa protekle sjednice. Prije nego što otvorim raspravu po pitanju Dnevnog reda, pozivam članove Kolegija da održimo jednu kratku sjednicu. Nastavljamo dalje, otvaram raspravu po pitanju Dnevnog reda. Da li ima prijedloga za proširenje Dnevnog reda? Na samom početku ispred Kolegija i nakon održane sjednice Kolegija, sa četiri glasa za Kolegij je usvojio prijedlog da se tačka 1. Prijedlog izmjene/dopune Statuta Općine Maglaj skine sa predloženog Dnevnog reda današnje sjednice. Ja ću naravno... pauza na zahtjev Kluba SDP-a. Nastavljamo dalje, da li poslije pauze Klub SDP-a ima zaključak neki.

Vijećnica Svjetlana Zamboni: Ja vas sve srdačno pozdravljam, evo nakon ove kratke pauze koju je SDP održao sa svojim političkim partnerima u Vijeću, samo želim reći da nećemo podržati skidanje ove tačke sa Dnevnog reda.

Predsjedavajuća Aida Bašić: Hvala gospođo Zamboni. Ivo imali smo prijedlog Kolegija da se tačka 1. skine sa Dnevnog reda a to je Prijedlog izmjene i dopune Statuta Općine Maglaj, pa prije nego što glasamo o cjelokupnom Dnevnom redu, ovaj prijedlog stavljam na glasanje. Ko je za skidanje tačke 1. sa Dnevnog reda, ko je za ?

Glasalo za: Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bezić, Eldis Kusur, Mirza Mešić (samostalni vijećnik), Aida Bašić (A-SDA), Aida Hadžić (DF).

Glasalo protiv: Svjetlana Zamboni, Elvir Arnautović, Jasmin Đuhera, Arif Mujkanović, Damir Bašić, Anida Šahman Kepić, Firuz Galijašević, Senad Ščić, Samir Fetić, Fikret Delić (SDP), Mustafa Bešić (samostalni vijećnik), Edin Osmić (samostalni vijećnik), Pero Mamić (HDZ BiH).

Uzdržanih: Nema.

Konstatujem da prijedlog nije dobio potrebnu većinu. Hvala vam. Prelazimo na predloženi Dnevni red a to je:

DNEVNI RED

1. Prijedlog izmjene i dopune Statuta Općine Maglaj
2. Prijedlog Odluke o usvajanju djelimične izmjene Regulacionog plana „Centar Maglaj- Južni dio“ po zahtjevu firme „AICOMP“ doo Maglaj
3. Prijedlog Odluke o pristupanju djelimičnoj izmjeni Regulacionog plana „Stari Grad Maglaj“, po inicijativi Općinskog načelnika
4. Prijedlog Odluke o pristupanju djelimičnoj izmjeni Regulacionog plana „Novi Šeher“ po zahtjevu MZ Novi Šeher
5. Prijedlog Odluke o gubitku statusa javnog dobra u općoj upotrebi (k.č. br. 319/2 k.o. Moševac)
6. Prijedlog Odluke o kupovini nekretnine (po ponudi Hadžišehić (Hamza) Miralem zastupan po staraocu za posebne slučajeve Hadžišehić (Hamza) Muharem)
7. Izvještaj o radu Općinskog vijeća Maglaj za 2023. godinu
8. Izvještaj o radu Općinskog načelnika i službi za upravu Općine Maglaj za 2023. godinu
9. Izvještaj o radu Općinskog pravobranilaštva za period 22.06. – 31.12. 2023. godinu
10. a) Izvještaj o radu Općinske izborne komisije Maglaj za 2023. godinu
b) Program rada Općinske izborne komisije Maglaj za 2024. godinu
11. Plan i program rada „Komunalno javno društvo“ doo Maglaj za 2024. godinu
12. Plan i program rada JP „Veterinarska stanica“ doo Maglaj za 2024. godinu
13. Informacija o stanju javnog reda i mira i bezbjednosti saobraćaja na području općine Maglaj za 2023. godinu
14. Informacija o upravnom rješavanju i provedenim upravnim postupcima Jedinog organa uprave za 2023. godinu
15. Informacija o deminiranju, uklanjanju i uništavanju NUS-a na teritoriji općine Maglaj u 2023. godini
16. a) Informacija o gospodarenju šumama na području Zeničko-dobojskog kantona u 2022. godini i planovi gospodarenja za 2023. godinu
b) Informacija o gazdovanju šumama na području općine Maglaj u 2021. i 2022. godini

Vijećnička pitanja i inicijative.

Ko je za ovakav Dnevni red?

Glasalo za: Svjetlana Zamboni, Elvir Arnautović, Jasmin Đuhara, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (A-SDA), Pero Mamić (HDZ BH), Edin Osmić (samostalni vijećnik).

Glasalo protiv: Nema.

Uzdržanih: Aida Hadžić (DF), Muid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur (SDA).

Konstatujem da je predloženi Dnevni red dobio potrebnu većinu.

AD 1. Prijedlog izmjene i dopune Statuta Općine Maglaj

Predsjedavajuća Aida Bašić: Prelazimo na prvu tačku a to je Prijedlog izmjene i dopune Statuta Općine Maglaj. Potreban nam je uvođačar, gospodice Eldina izvolite.

Eldina Mehinagić: Prije svega želim da vas poselamim i pozdravim i zaželim sretan rad ove sjednice. Služba za opću upravu, društvene djelatnosti, boračko invalidsku i socijalnu zaštitu je od Općinskog vijeća dobila Inicijativu za formiranje MZ Stari Grad. Na osnovu toga mi smo imali obavezu, dana nam je obaveza da provjerimo sve ove aktivnosti, da uradimo sve što je potrebno vezano za to kako bi ova Inicijativa mogla dobiti informaciju da li ima osnova za tako nešto ili ne i nadležna općinska služba se Kolegiju koji je bio održan prošli mjesec obratila i rekla koje su stavke urađene, šta je to sve bilo primjenjeno. Na Kolegiju je informisano da se može krenuti u proceduru pribavljanja informacija i svih ostalih stvari koje su neophodne kako bi se mogla realizovati jedna ovakva aktivnost pogovoto kada dolazi od strane građana. Odradili smo sve potrebne procedure koje su bile neophodne, mi smo na kraju išli sa prijedlogom. Vidjeli smo da se mnogo stvari ne može uraditi dok se Statut Općine Maglaj ne izmijeni i krenuli smo po članu 120. Statuta Općine Maglaj u proceduru za ustvari dostavljanje prijedloga za izmjene i dopune Statuta Općine Maglaj. Ovo je bio samo prijedlog što znači, da bi kasnija procedura trebala, o ovome bi trebalo da se informiše Općinsko vijeće i ukoliko se usvoji ovaj prijedlog, dalje bi trebala biti obaveza da se provede procedura javne rasprave sa predstavnicima mjesnih zajednica, vijećnicima, građanima i svim ostalim jer vjerovatno postoji još neki segmenti koji mogu da se dodaju u Statut koji bi bili na dobrobit samih građana. Mi smo čak i dali prijedlog inicijative, odnosno prijedlog za izmjenu Statuta koji je na određen način omogućavao i općinskoj administraciji i samim građanima a i samim mjesnim zajednicama da nekako profunkcionišu. Zbog svega toga smo mi dali prijedlog za izmjenu i dopunu Statuta na Kolegij smo informisali oko toga. Bila je jedna greška koju smo mi uočili i nismo išli za dalji dio odlukama o donošenju i svega toga, nego samo da se danas i radi o prijedlogu. Opet ću reći ovo je prijedlog koji ukoliko se usvoji Služba, odnosno Općina Maglaj će kasnije imati obaveze da provede javne rasprave sa građanima, svim političkim partijama da se dostave dopisi vezano za ovo i sve ono što je bitno vezano za Statut na kraju kada dođe do toga, i Statutarna komisija bi imala obavezu pregledati sve to i na kraju donijeti Odluke koje su po zakonu neophodne. Zbog toga evo Služba je samo išla sa prijedlogom i ja se nadam ukoliko bude bilo kakvih pitanja, mi smo na raspolaganju ali opet kažem radi se samo o prijedlogu a ne o usvajanju izmjene Statuta.

Predsjedavajuća Aida Bašić: Hvala Eldina. Otvaram raspravu, gospodin Salatović izvolite.

Vijećnik Edin Salatović: Ja vas sve selamim i pozdravljam. Iznijet ću stav Kluba vijećnika SDA. Klub vijećnika SDA smatra da se treba okončati procedura oko usvajanja Statuta mjesnih zajednica koja se vodi posljednjih sedam godina i koja još nije okončana a da se postupci vezano za izdvajanje i formiranje novih mjesnih zajednica vrši u skladu sa postojećim Statutom običnih mjesnih zajednica. Stoga predložene izmjene ne možemo podržati. Hvala.

Predsjedavajuća Aida Bašić: Hvala gospodine Salatović. Da li se još neko javlja za riječ. Gospodin Jašić izvolite.

Vijećnik Safet Jašić: Selamim i pozdravljam sve prisutne i ovo je jedna osjetljiva tema. Mislim, nadam se da će se priključiti većina vijećnika kada je ova problematika u pitanju. Prije svega na ovu sjednicu Općinskog vijeća ako je planirana ova tačka Dnevnog reda, smatram da je trebalo doći inicijativa građana koji su podnijeli za izdvajanje iz mjesne zajednice pod broj 1, te da Vijeće se očituje o istoj inicijativi. Trebala je uz ovo da dođe inicijativa građana i da se Vijeće prvo očituje o inicijativi. Dalje, da li je Komisija za statutarna pitanja zasjedala po ovom pitanju? Smatramo da je to trebalo proći i komisiju ako već komisije postoje i kad vidimo u ovim rubrikama u Izvještaju, odnosno o radu Općinskog vijeća pa komisije čak ništa ne rade a ovo je izuzetno osjetljiva tema i gdje je trebala komisija nekoliko puta da zasjeda kako bi ovo došlo do vijećnika ovdje. Dalje, ovim prijedlogom izmjena i dopuna Statuta Općine Maglaj dovode se mjesne zajednice u neravnopravan položaj jer se predlaže olakšano izdvajanje dijela mjesne zajednice, formiranje nove u MZ Maglaj Grad (Stari Grad i Omerdino Polje) koja je jedina brojila preko 4000 glasača. Na prijedlog Načelnika izglasa i gotova priča čak nema ni prijedloga kojom većinom u Općinskom vijeću se Odluka usvaja. Većinom od ukupnog broja vijećnika 2/3 većinom ili većinom od vijećnika prisutnih na sjednici, dok ostale mjesne zajednice moraju proći cijele procedure oko izdvajanja i formiranja nove mjesne zajednice, donošenje odluka na Zboru građana za koji je kvorum od 50 % glasača, prijedlog prema Općinskom vijeću, provođenje referendumu gdje je potreban izlazak više od 50 % glasača a Općinsko vijeće na kraju treba donijeti i Odluku 2/3 većinom itd. itd. Predložene izmjene i dopune Statuta Općine Maglaj su izraz diskriminacije i mi kao ozbiljan politički faktor i ozbiljni ljudi ovo nikad nećemo prihvatiti.

Predsjedavajuća Aida Bašić: Hvala gospodine Jašić. Dopredsjedavajuća se javlja za riječ, izvolite gospoda Hadžić.

Vijećnica Aida Hadžić: Ja bih da pozdravim sve prisutne, što se tiče OO DF-a iznosim znači stav naše organizacije i na početku želim da naglasim da mi podržavamo svaku inicijativu koja dođe od bilo koga, koja ima za cilj poboljšanje života građana naše općine, funkcionisanje institucija i njen napredak. Podržavamo inicijative koji idu u pravcu jačanja rada mjesnih zajednica i svi mi znamo da postoje dugogodišnji problemi u mnogim sredinama i mjesnim zajednicama sa funkcionisanjem zborova, vijeća mjesne zajednice i slično. Zato jesmo i u prethodnom sazivu Vijeća a evo i sada aktivni u traženju najboljih rješenja za funkcionisanje mjesnih zajednica. U principu mi smo za to da se u svakoj inicijativi koaj dođe sa terena ili od predstavnika izvršne vlasti raspravlja zakonom, Statutom, Poslovnikom o predviđenoj proceduri. Ovo što mi imamo pred sobom je akt koji se zove Prijedlog izmjene i dopune Statuta. Smatramo da ne zadovoljava ni forme pravno ni sadržajno forme propisane Statutom i Poslovnikom. Ovdje bih sada mogla da čitam nekako, ali nekako se dvoumim da li da pročitam sve ove stavke koje smo mi pripremili onako malo sam razočarana sa razgovorima koje smo imali na Kolegiju. Ovdje je sada stav mi nismo ovdje vrsni pravnici, barem niko koga ja ovdje znam i ovo je zaista osjetljiva tema. Mi smo smatrali i smatramo da je proceduralna greška napravljena, da nije urađeno onako kako je trebalo i tražili smo da se dogovorimo u ovih 15 dana da ne bi došli u situaciju da izgubimo 6 mjeseci da ova tačka ne može doći ponovo na Vijeće. Međutim nismo dobili tu većinu i smatram da je to moglo donijeti mnogo više i boljih rezultata jer izmjene Statuta se moraju donijeti dvotrećinskom većinom ako se mi ne dogovorimo, sad je ovo zatezanje jedni optužuju druge, drugi ove prve ko je sada za Stari Grad, ko nije? Ja zaista smatram da to nije uredu, da ovako neke stvari ako se ne možemo dogovoriti da koristimo jedni protiv drugih i da se sada optužujemo, ne bi li skupljali političke poene. Ja sam iz Starog Grada, odnosno moja majka ako iko ima volju i želju da se nešto uradi onda sam to ja. Da me neko optužuje da sam ja protiv, izvinjavam se ja što god govorim u mene to ide s emocijama pa mi je baš žao što sam takva. Zaista bih voljela da smo mogli da se dogovorimo da se ova tačka skine s Dnevnog reda i da svi dođemo do nekog zajedničkog zaključka. Ne vidim zaista potrebe da o ovako ozbiljnoj temi ako smatramo da možemo popraviti korake, ako smatramo da se možemo zaštititi kad su u pitanju neke druge mjesne zajednice da se nismo mogli sjesti ovih 15 dana ili 7 dana kad smo dobili ove materijale sa svim prijedlozima. Mislim da nam nije bilo dovoljno da zaista donesemo odluku i da prihvatimo ovakav prijedlog, odnosno ovakav dokument kakav je nama predstavljen. Smatramo da nije ispoštovana sva procedura, ako je inicijativa da se zove

inicijativa, da se prijedlog pošalje prvo predsjedavajućoj Vijeća, pa onda sve to možda nekom izgleda sitnica ali kad su krivične prijave u pitanju, kad je odgovornost u pitanju. Zašto nam treba da zbog jedne riječi odgovaramo i da sutra neko poteže jesmo mi u krivu ili nismo. Ja smatram da ovdje trenutno niko ne može 100 % tvrditi da je ovo ispravno. Zaista, mislim da bi bolje bilo da smo odgovorili, da smo zajedno sjeli pa i da ne izađemo ako treba čitav dan iz kancelarije svi ali da se dogovorimo šta je ispravno. Da ne napravimo grešku ipak je Statut u pitanju.

Predsjedavajuća Aida Bašić: Hvala dopredsjedavajuća, gospođa Zamboni izvolite.

Vijećnica Svjetlana Zamboni: Evo sami ste rekli, niko od nas ne može tvrditi da je ovo ispravno. Znači ne može niko tvrditi ni da nije ispravno ako ćemo tako postaviti stvari. govorim u ime Kluba SDP-a i naših partnera, mi ne vidimo da je došlo do narušavanja procedure u pripremi ovog materijala. Kakvu formu bi sam materijal bi trebalo da ima, možemo pretpostavljati ali ako je vaš argument bio da je Statutarna komisija trebala to da pogleda, imala je priliku u dakle pripremi sjednice kao i do sada ode poziv svim komisijama ukoliko smatraju da ima materijala kojima treba da se bave da mogu uzeti u razmatranje te materijale. Ja nisam dobila na mail nikakvu sugestiju od te komisije. Dakle, nećemo raspravljati o tome ali kako ste i vi dopredsjedavajuća kazali niko od nas nije stručnjak za ovu oblast da kaže jeste ili nije ispravno. Tako da evo ostavljamo na volju vijećnicima da vidimo hoćemo li pokrenuti proceduru. Mislim da je to ključno pitanje ovdje, pokrećemo li ili ne proceduru u ovom smjeru ništa više.

Predsjedavajuća Aida Bašić: Hvala gospođu Zamboni. Gospodin Mešić se javio za riječ, izvolite.

Vijećnik Mirza Mešić: Pozdravljam sve prisutne pošto se prvi put obraćam. Pomijete ovdje da nema neko ko bi mogao da da odgovor a svi znamo da imamo prvo pravnik Općinskog vijeća a imamo i gospođu predsjedavajuću i ima gospodin Eldis također koji je pravnik.

Predsjedavajuća Aida Bašić: I pravobranioca imamo.

Vijećnik Mirza Mešić: Ja ovdje govorim nas što mi trenutno radimo tu smo aktivni, pa bih zato zamolio ja službenicu Općinskog vijeća pravnicu da nam da odgovor da li je sve ispoštovano. Ovo što se govori, što je gospođa Hadžić rekla kada je u pitanju procedura koja se odnosi na sam naziv znači inicijativa a mi dobijamo izmjene i dopune Statuta, ispravite me ako griješim. Znači, nije inicijativa sam naziv je greška. Da li su ostale stvari ispoštovane. Da li je Statutarna komisija morala a ne poslano je pa nije ako se mora, moramo dobiti od njih akt. Mi ga nismo dobili.

Predsjedavajuća Aida Bašić: Hvala gospodine Mešić. Gospodin Arif izvolite.

Vijećnik Arif Mujkanović: Dobar dan. Iskorisit ću isto priliku da pozdravim i morat će reagovati Aida na ipak na 4 pravnik nemojte to bacati. Slušajte slagati ne slagati ali ima obradivač Eldina koja je zaista čestita i vrijedna. Ja vjerujem i nisam spreman, tvrdim da niste upravu kad kažete odgovarati. Nemamo odgovornosti ako ona garantuje za svaki svoj akt, onda ona odgovara. Ja ne odgovaram. Njen akt svaki mora da bude zakonit i da prođe tu proceduru. Ja ako vijećnik sigurno neću odgovarati. Podrazumjeva se da dođe akt svaki i ja vjerujem službi svakoj. Hvala.

Predsjedavajuća Aida Bašić: Hvala, gospodin Jašić se javio za riječ. Izvolite.

Vijećnik Safet Jašić: Evo ja imam jedno pitanje i za pravnike i za sve nas ovdje i za službu na kraju krajeva. Kako se postupa sa po građanskoj inicijativi. Evo jedno pitanje, neka mi odgovori ili Služba ili pravnici koji sjede ovdje i da znamo. Onda ćemo znati da li je ovo zaista sve ispravno došlo do ovoga momenta taj materijal i o ovo sve o čemu pričamo. Kako se postupa kada je građanska inicijativa u pitanju.

Predsjedavajuća Aida Bašić: Hvala gospodine Jašić, gospodin Bešić.

Vijećnik Mustafa Bešić: Evo i ja vas sve selamim i pozdravljam pošto izlazim prvi put. Znači meni sad nije ovdje jasno mi smo imali, pošto sam član Kolegija i ovaj prijedlog je došao na Kolegij i Eldina ovo sve što je pričala iščitala je po onome, mi smo sahat imali Kolegij. Znači Eldina Mehinagić, Pomoćnik načelnika je obrazložila sve u detalje. Mene samo sada interesuje odkud ovakav preokret. Vi gospodo ste mogli na Kolegiju spriječiti da ova tačka dođe na Dnevni red. Zbog čega to niste uradili. Ja vas pitam evo predsjedavajuća i dopredsjedavajuća. Zbog čega sad odjednom preokret i pričate vi o nekom politikanstvu. Ja ne mogu vjerovati ako smo mi to imali i mogli spriječiti da ne dođe zbog čega je sad ova problematika. Ljudi su se pobrinuli, mještani Starog Grada imali smo mi na uvidu tamo potpise kako treba i obrazloženje. Ja nisam

pravnik ali smo ako se ne varam jednoglasno na Kolegiju ali je većina bila da dođe ova tačka na Dnevni red. Ja bih vas molio predsjedavajuća i dopredsjedavajuća da nam obrazložite otkud sada vaš preokret da vi glasate protiv ove tačke. Toliko, hvala.

Predsjedavajuća Aida Bašić: Hvala gospodine Bešiću. Gospoda Hadžić izvolite.

Vijećnica Aida Hadžić: Prvo da me kolege koji su pravnici ovdje ne shvate pogrešno, ja sam ekonomista pa ne znam sve sfere ekonomije niti sam stručnjak za menadžment, za upravljanje korporacijama niti svi pravnici mogu znati sve. Ja sam samo htjela da kažem da je ovo osjetljiva tema i kad je Statut u pitanju da zaista ne moramo ići ništa preko koljena, da se možemo dogovarati. To što smo mi pristali na Kolegiju za ovu tačku, to znači da smo mi za usvajanje, za formiranje MZ Stari grad ali smo samo protiv ovakog načina, smatrali smo da će to ići malo drugačije. Da će se procedura ispoštovati onako smo smatrali da je ispravo a sad ko griješi vidjet ćemo.

Predsjedavajuća Aida Bašić: Hvala gospodu Hadžić. Fermić, predsjednik Statutarne komisije i zastupnik u Skupštini Zeničko dobojskog kantona s e javio za riječ, izvolite.

Hajrudin Fermić: Hvala predsjedavajuća, što se mi dali riječ. Poštovani vijećnici i gosti zaista ne mislim puno uzimati vremena ali evo na direktan ili indirektan način ja sam odnosno kao predsjednik Komisije za Statutarna pitanja, Poslovnik i propise prozvan od kolegice Zamboni, pa želio bih i da odgovorim na ono pitanje zašto nismo zasjedali jer smo dobili materijale kao vijećnici. Činjenica je da smo mi kao Komisija materijale odnosno Dnevni red dobili u srijedu, prošlu srijedu navečer jer smo imali četvrtak i petak i ponedjeljak da zakazemo sjednicu jer po Poslovniku najmanje tri dana sjednica. Obzirom na obiman Dnevni red ove sjednice Općinskog vijeća, praksu to također moram da kažem ovdje da nam ne dolaze obrađivači materijala Komisija nije uspjela da sjedne u ta tri dana, dakle nije to sedam dana Komisija imala materijale, nego je imala praktično tri radna dana da sjedne i da o ovako ozbiljnim temama raspravlja. To nije uspjela, kad sam već uzeo riječ ja bih želio samo da napomenem nekoliko stvari. Dakle, u ovom nazivu Dnevnog reda zaista nije jasno da li se ovo Općinsko vijeće postupa kao prema Inicijativi, kao prijedlogu izmjena i dopuna Statuta odnosno prijedlogu Odluke o izmjenama i dopunama Statutarne odluke i to je nešto što vama vijećnicima zaista stvara zaista veliki problem. Činjenica je da ako sad slušamo da je ovo Inicijativa, član Poslovnika evo ja ću ga tačno reći koji je to član 110. Govori o načinu ophođenja prema kako kolega Jašić reče prema Inicijativama. Ona je trebala da dođe predsjedavajućoj, predsjedavajuća da traži mišljenje od Načelnika, da sa tim mišljenjem dođe vama i da se vi izjasnite o toj Inicijativi da li je prihvatate ili ne prihvatate da raspravljate, da za narednu sjednicu Općinskog vijeća i donosite Odluku o tome. Dakle, da li prihvatate da ona bude na Dnevnom redu ili ne bude i to su poslovničke odredbe. Inicijativa također u ovom pomenutom članu striktno i jasno govori šta sve mora da sadrži kao pravni akt koje elemente. U ovom aktu nema ni jednog elementa koji sadržava Inicijativa prema Poslovniku o radu Općinskog vijeća. Dakle, Poslovnik je ovdje prekršen i u više odredbi. Ako u pitanju Izmjene i dopune ali evo sad smo čuli da se ne radi o izmjenama i dopunama onda je to još veće poslovničke, statutarne čak i zakosne greške odnosno problemi koji bi nastupili da ste uzeli ovako i raspravljali danas o odluci. Dakle inicijativa trebalo je da svaki vijećnik dobije ne samo Kolegij i ne znam odkud pravo Kolegij da uzima ingerencije i kompetencije i vijećnika i Vijeća. Svaki vijećnik trebao je da dobije originalnu peticiju ili potpise tih mještana Starog grada, trebao je da dobije taj tekstulni dio, trebao je da dobije mišljenje Općinskog načelnika, trebao je da dobije mišljenje Komisija i da onda vi kažete sa obrazloženjima, sa pravnim osnovom aha ima osnova da mi to raspravljamo i donosimo svoju Odluku o toj Inicijativi na narednoj sjednici Vijeća. To je pravi i jedini put. Dakle ovo je jasno a vi dalje radite naravno kako mislite da je najbolje.

Predsjedavajuća Aida Bašić: Hvala gospodine Fermić, gospoda Zamboni izvolite.

Vijećnica Svjetlana Zamboni: To je upravo ono kad hoćemo nešto da usporimo znači, mi smo mogli u samom uvodu reći hajmo izmijeniti naziv tačke Dnevnog reda a ne skidati sa Dnevnog reda. Postaviti se onda prema tome ako ćemo ići sad unazad kao prema Inicijativi. Ja koliko znam u praksi Dnevni red za Kolegij potpisuje predsjedavajuća koja slaže zajedno sa dopredsjedavajućom koja slaže Dnevni red na osnovu materijala koji su pripremljeni i dostavljeni

Službi. Koliko sam ja razumjela a nisam član Kolegija Inicijativa koja je podnesena, prezentovana je Kolegiju i članovi Kolegija su je imali, molim vas gospodine Fermić dok završe vijećnici. Dakle, znali su da postoji Inicijativa sa obrazloženjima i rekli ste da je diskusija gospodine Bešiću trajala poprilično dugo gdje ste jedinstveno zauzeli stav, odnosno izglasali da ta tačka ide na Dnevni red. Da li se ovo zove Prijedlog ili ćemo to preimenovati u Inicijativu mislim da je to najmanji problem i mislim da to ne bi trebao biti kamen spoticanja koji će usporiti želju građana. Problem Starog Grada znamo, znamo problem Maglaja. Ne može da funkcioniše ta mjesna zajednica ne funkcioniše zbog brojnosti, zbog nemogućnosti ograničavanja zborni itd itd. Ne vidim zašto sada se hvatamo za neke jel to dostavljeno ovom, je li to potpisao onaj, je li to. Mišljenje Načelnika, za mene mišljenje Načelnika je nalog da Služba pripremi materijal ako je Načelnik rekao Službi da se pripremi materijal i ako je materijal u ovakvom, u ovoj formi došao koji je potpisala pomoćnica, odnosno šefica Službe pa valjda je to to. Ne vjerujem da Služba može mimo Načelnika stavljati ista na Dnevni red. Tako da još jednom ću ponoviti što se tiče ovog našeg Kluba sa našim političkim partnerima ne smatramo da je došlo do narušavanja procedure, tako da ne vidimo razlog zašto se ne bi pokrenulo ovo ka naprijed, ništa više.

Predsjedavajuća Aida Bašić: Hvala gospođu Zamboni. Gospodin Fermić izvolite.

Hajrudin Fermić: Ja još jedanput moram da upozorim zaista na kršenje evo reći ću Statuta, pa čak i zakona kada su praksa preuzimanja određenih ovlasti Kolegija na račun Općinskog vijeća. Dakle, nemojte time da se igrate, to je jedna i sugestija i jedna replika kolegici Zamboni koja pomnije evo bila je rasprava na Kolegiju. Dakle, ništa Kolegij je tehničko lice, tehnički organ koji samo utvrđuje da li će biti i šta na Dnevnom redu. Samo ovako bih zamolio slažem se da zaista postoji problematika to Aida nije pročitala, nadam se da će pročitati da postoji problematika u funkcionisanju MZ Maglaj Grad, isto tako se lažemo i sasvim je korektno i evo Inicijativa koju podržavamo od Starog Grada i svaka druga Inicijativa je dobro došla da se o njoj raspravlja, da se razmišlja itd. Eventualno i da se ide u prilog prihvatanju takvih Inicijativa. Ja postavljam pitanje zaista i sebi a i vama od 2018. godine ako se ne varam, postoji Odluka o osnivanju, organizovanju, odnosno potvrđivanju mjesnih zajednica na području općine Maglaj u kojima je jasno navedeno šta ko, kad i kako treba da radi i treba da preduzima određene mjere ako određena mjesna zajednica ne funkcioniše. Zašto smo i ko je dozvolio da MZ Maglaj Grad uprkos tako jasnim i decidnim odlukama koje je donijelo ovo Općinsko vijeće gdje je cilj bio da se deblokira rad iz zborova i vijeća mjesnih zajednica i predsjednika da se ova mjesna zajednica i dalje drži u blokadi, ne preduzimajući ono što po Statutu i toj Odluci mora da preduzme i Služba a samim time i Vijeće. Zašto smo to dozvolili, zašto smo i nakon drugog i trećeg pokušaja da li je uopšte bio drugi i treći pokušaj da se sazove ova mjesna zajednica. Ne piše to nigdje u ovim materijalima, nije uspjela da se uradi, zašto nam nije ovdje dostavljeno u Izvještaju od strane Službe i problematika funkcionisanja MZ Maglaj Grad sa prijedlogom mjera, zašto to Općinsko vijeće nije prihvatilo da deblokira rad mjesne zajednice itd. itd. To su sve pitanja na koja treba prethodno odgovoriti da bi se uopšte došlo do razmatranja ove Inicijative. Dakle potpuno je sve jasno i sve je propisano i postoje mehanizmi deblokade rada svih mjesnih zajednica a isto tako postoje problemi u nekim mjesnim zajednicama u kojima se šuti. Nemamo to u Izvještajima, dok neke mjesne zajednice rade zaista izuzetno dobro, kvalitetno po ovim odlukama a mi šutimo i rješavamo jednu po jednu umjesto da riješimo sistemski i pitanje Donjeg Rakovca, Brezovih Dana, odnosno Domislice promjene imena i pitanje Starog Grada itd.

Predsjedavajuća Aida Bašić: Hvala gospodine Fermić. Evo vijećnik Mirza Mešić je tražio da se osvrnemo na samu proceduru, ja bih zamolila Općinskog pravobranioca gospođu Azru Čakramu da nam pokuša..mislim da je šefica Službe rekla da je Općinski pravobranilac bio uključen ako se ja dobro sjećam sa Kolegija koji smo imali je li tako bilo, da. Gospođu Azra izvolite, bilo je pitanje gospodina Mešića da li možete se osvrnuti na samu proceduru. Da li ste bili uključeni? Može može.

Azra Čakrama: Da naravno da sam bila na Kolegiju Općinskog vijeća kada smo usvajali ovaj Dnevni red, odnosno kad je nadležni resorni rukovodilac govorio o pitanju mjesnih zajednica kako izgledaju akti koji su došli u pogledu Inicijativa od strane građana vezano za Stari Grad i

formiranje mjesne zajednice zaista ne znam. Na Kolegiju sam tu temu prvi put čula i saslušala sam izlaganja kao učesnik u Kolegiju, odnosno prisutan na Kolegiju od strane izlaganja resornog rukovodioca. Nakon utvrđenog Dnevnog reda tog istog dana u vremenskom periodu od 15 do 15,30 sati u Općinsko pravobranilaštvo pojavila se pravnik iz Službe Općinskog vijeća i resorni rukovodilac sa dokumentom da u Statutu se nalazi potkraj Statuta se nalaze članovi koji ne mogu podržati njene tačke koje je predložila kao resorni rukovodilac na Kolegiju. Pogledala sam zajedno sa njom te tačke i materijale koji su bili odista pripremljeni od strane službe to sam vidjela u kancelariji rukovodioca službe. Nisu odgovorali onome što su one utvrdile mislim da kolegicu Eminu i resornog rukovodioca Eldinu, nisu podržavale, odnosno Statut nije podržavao onaj materijal koji je već bio urađen. Bile su kod mene par minuta, tada je zazvonio telefon resornom rukovodiocu gdje je na vezi bila predsjedavajuća Općinskog vijeća gospođa Aida Bašić i oni su nešto to govorili na telefon i napustili su moju kancelariju i to je sve što ja zaista ovog trenutka znam o toj tački. Ja zaista ne znam šta očekujete od Općinskog pravobranioca obzirom da ja nisam nadležna, mogu vam reći iskustvo koje smo imali mi prije nekih 7-8 godina kada smo provodili referendum za osnivanje MZ Stari Grad i iskustvo za osnivanje MZ Mladoševica, gdje su provedeni izbori i te procedure su dugo dugo trajale po mojim procjenama nekih 3-4 mjeseca gdje je Vijeće bilo informirano i tada to nije uspjelo u pogledu provođenja referenduma. To su bili bukvalno žargonski govoreći mali izbori u okviru tih mjesnih zajednica koji slične na lokalne izbore, gdje je i CIK bio upoznat gdje nam je dostavio CD, biračke spiskove i proveli smo bukvalno izbore i to je bila radna grupa od čini mi se neparan broj je bio od 7 ili 9 ljudi gdje smo tada u tom periodu imali sekretare mjesnih zajednica gospodina Bejića i gospodina Enesa Sejmenovića i Fuada Lošića za gradsko područje, tako da je to zaista bilo neuspješno. To su dugotrajne i mučne procedure provođenja referenduma koji na kraju nije realiziran krajnji cilj osnivanja dvije ove mjesne zajednice Stari Grad i Mladoševica. Tako da smo na tri punkta birali za Maglaj Grad, pošto ima ta mjesna zajednica preko 5000 stanovnika i na dva punkta za novošehersko područje odnosno u okviru mjesne zajednice imali smo i punkt u Mladoševici. Stariji vijećnici se toga sjećaju, to je sve što ja znam u pogledu toga. Da li su ovi materijali ispravni vjerujte ne bavim se normativom, nisam upuštala se u materijale niti koji su došli niti je to u konačnici nitko od mene ni tražio. Mislim ako mogu nešto pomoći u budućem periodu, zaista sam tu ja ne bježim od radnih zadataka da dam svoj doprinos za boljitak naše lokalne zajednice. Hvala.

Predsjedavajuća Aida Bašić: Hvala lijepo. Načelnice izvolite.

Mirsad Mahmutagić, Općinski načelnik: Koristim priliku da vas sve srdačno pozdravim, pa stara priča u Maglaju ništa novo uvijek politikanstvo i košnica i onda se pitamo zašto je tako kako jeste. Prvo kako je došlo do ovoga. Je li se iko pita iz koje je godine Statut? Da li je provedena procedura zakonska i tada, da li je Statut donesen u skladu sa zakonom. Jeste li pročitali Statut? Jeste vidjeli tamo da imate i MZ Bukovica? Nema ni jednog objekta, niti jednog stanovnika i to da je došlo na Dnevni red hajde da eliminišemo da nema MZ Bukovica mi bi se danas ovdje raspravljali zašto tako naprednu mjesnu zajednicu mi želimo ukinuti, zato što pojedinci ne žele ništa da naprave u ovom gradu, odnosno žele da sruše i ono što se pravi ili napravi. Ovdje je pomenuta Odluka o osnivanju i formiranju mjesnih zajednica. Da li je ona stvarno u skladu sa Statutom sve? Dalje, svaka Odluka je izmjenjiva. Dakle, donijeli je vi 2018. godine promijenit ćemo 2024. godine, šta je problem? Nije nikakav problem. svi su znali predsjednici Klubova, rukovodstvo Općinskog vijeća, Načelnik, službe itd za Inicijativu građana. Inicijativa građana bila je i po Facebooku-u i nema gdje nije bila i sad se pravimo da mi ne znamo da je to bilo. Naravno da svi znamo da je bila inicijativa. Pa onda još kad tu Inicijativu obradi Služba pa još predloži Načelnik i onda se pita jel traženo od Načelnika mišljenje. Zašto da dajem mišljenje na svoj stav. Da dam stav pa da mi neko traži mišljenje na to, dajte budite malo ozbiljni. Ovdje još nisam čuo razlog zašto ne treba ovo raditi apsolutno nisam čuo razlog ali vidim šta je vidim da je političarenje, vidim da je politikanstvo i vidim da nije stalo ni do Starog Grada ni do mještana nego samo do politike, valjda izborna godina pa ćemo se igrati. Ja nisam iz Starog Grada mađa neko tamo porijeklo vučem ali mi je stalo do Starog Grada. Neću reći stalo mi je ali ću rušiti. Hoću da dam svoj doprinos za svaki dio općine Maglaj. Slušama neargumentovanu ovdje priču. Ima li

iko argument da je nezakonito da nije u skladu sa Statutom, da ne može proći. Ovo sam pitao 5x na Kolegiju, niko nije dao odgovor, prema tome ja mislim pa neko drugo misli drugačije, ima neko ko odgovara za procedure koje radi, piše i potpisuje, pa valjda ćemo vjerovati malo i tim ljudima. Dilema, ako je upućeno na Općinsko vijeće a ne piše predsjedavajući Općinskog vijeća zante li koliko akata dođe na Općinu, piše samo Općina Maglaj, ne piše ni koja Služba, ni Načelnik. znate li koliko akata dođe na Vijeće, znate li koliko akata dođe piše Načelnik općine, Općinsko vijeće, znate li koliko akata dođe piše na ime Mirsad Mahmutagić itd. Stvar onoga ko je pisao, ako je sva greška u tome je li naslovljeno prema predsjedavajućoj, na Općinsko vijeće a dostavljeno ili je trebalo da stoji predsjedavajuća Općinskog vijeća gospođa Aida Bašić pa ja mislim da to nije suštinski problem i nije nikakva protuzakonita greška ni aman zaman nije za zatvora, neka se niko ne sikira. Na kraju krajeva neko je i potpisao i to što je poslao. Na Kolegiju je ovo bilo dva puta. Kad se pojavila pa smo pričali kako ćemo ići, kako to možemo završiti pa se poprilično što reče Bešić pričalo o tome, pa rekli hajmo do sljedećeg Kolegija neka to Služba malo još pripremi. Došlo na Kolegij, ponovo se analiziralo i svi jednoglasno rekli ok idemo s tačkom na Dnevni red. evo dozvolit ću da li je ispravan naziv Prijedlog Izmjene ili je trebalo biti Inicijativa za izmjenu, to se zaključkom u ovoj tački reguliše i to nije apsolutno nikakav problem. Ovdje treba pojasniti građanima suštinu vjerovatno će neko gledati o čemu se danas raspravlja. Mi danas ovdje ne mijenjamo Statut Općine Maglaj, mi danas samo trebamo da suglasnost na proceduru na početak procedure Izmjene Statuta Općine Maglaj kojim bi se dovelo i do formiranja MZ Stari Grad u toj proceduri koja će trajati mjesec, dva, tri nebitno bi trebalo da se ispoštuju sve zakonske procedure. U toj proceduri neko može imati suštinsku primjedbu, argumentovano, ne argumentovano može doći na Vijeće, može sjesti ovo pravnik sve što ima da analiziraju zajedno u korist ovog grada da nadu najbolje rješenje i to kad dođe na Dnevni red ničiji ovdje nije interes da je bilo šta protuzakonito ali nam je interes da formiramo MZ Maglaj Grad i ovo danas je samo da kažemo ok mi smo spremi da idemo u izmjenu Statuta kako bi se formirala MZ Stari Grad a neka dalje služba, rukovodstvo Općinskog vijeća, Načelnik itd odrade svoj posao. To je suština svega, dakle ovdje danas nije izmjena Statuta suštinska i ovdje danas ne možemo napraviti nikakvu grešku u izmjeni Statuta, ovdje danas samo možemo ponavljam i drugi, treći ili peti put ovdje danas samo dajemo zeleno svjetlo. Samo dajemo zeleno svjetlo da idemo u proceduru izmjene Statuta Općine Maglaj kada je u pitanju formiranje MZ Stari Grad. nemojte mene pitati zašto funkcioniše ili ne funkcioniše ja zateko nije bilo ni pečata, bio dešeruh, otuđen kako hoćete pa je trebalo vremena da se proglašuje da i ne postoji. Zašto je neko sastavio Maglaj Grad, Stari Grad, Omerdino Polje itd nije danas tema, nemojte da gubimo vrijeme na to. Danas vas ovdje 23 odlučujete hoćete li dati suglasnost da idemo u proceduru izmjene Statuta, kako bi krenuli u proceduru formiranja MZ Stari Grad. ako to ne prođe danas a pravnik u Općinskom vijeću kaže da treba 2/3 većina, dakle treba 17 vijećnika, ako ne prođe ta Inicijativa neće doći ponovo na red narednih 6 mjeseci. Ako se hoćete igrati političariti, ne razmišljati o Starom Gradu u kojem uskoro treba da krene i rekonstrukcija trga za koji je obezbijeden dobar dio sredstava, za koji ćemo i ove godine dobiti nova sredstva i za koje smo aplicirali izvan Bosne i Hercegovine u zajedničkoj aplikaciji sa dvije manje općine iz Hrvatske gdje se nadamo da ćemo i tu proći barem sa jednom. Mi u jednoj takvoj situaciji gdje u Starom Gradu imate kulturno historijske znamenitosti, Stari Grad koji treba da privuće ljude u ovaj grad mi se želimo igrati ovdje politike. Nemojte da se igramo politike. Ja vas molim svih 23 danas prisutna podržite ovu Inicijativu da uđemo u proceduru, uključite se u proceduru koja će trajati u narednom periodu dajte svoj doprinos da iz ovoga izađemo na pravi način i da imamo MZ Stari Grad. da ima drugih problema u mjesnim zajednicama ima ih, nemojte sada nije tema, nemojte da pričamo o tome. Imate gospodin Bešić je predsjednik MZ Brezovi Dani, koja ima nekoliko stanovnika i imate Domislicu koja je u okviru MZ Brezove Dane koja ima puno više stanovnika. To su stvari koje isto treba proći proceduru. Da li treba samo Zbor građana ili Vijeće, neka rješavaju pravnici. Ja vas još jednom molim podržite Inicijativu za pokretanje procedure izmjene Statuta Općine Maglaj koja bi omogućila da se formira legalno MZ Stari Grad ukoliko nećete do vas je hvala lijepo.

Predsjedavajuća Aida Bašić: Hvala Načelnice, gospodin Jašić izvolite.

Vijećnik Safet Jašić: Ja nisam dobio odgovor na postavljeno pitanje, nekoliko osoba je izlazilo i nisam dobio traženi odgovor a ovdje je Načelnik nekoliko puta ponovio da je neko protiv Starog Grada, zaista volio bih vidjeti čovjeka koji ima nešto protiv Starog Grada i koliko će to biti njemu bolje i da formira tu mjesnu zajednicu. Nemam ništa protiv ali, ja govorim sada ovdje je u pitanju ono što sam postavio. U pitanju je građanska inicijativa koja je trebala da dođe vijećnicima ovdje. To mi objasnite zašto nije? Postavio sam pitanje zašto nije došla ta građanska inicijativa na Općinsko vijeće, Morala je da dođe, prema tome i sasvim smo jasni, to je dio procedure koji je obavezan i koja je trebala da dođe ovdje nama. Gospodin Fermić je nešto govorio, svi su vijećnici rekli ponešto. Vrtimo se u krug. Nema politikanstva sa ove naše strane ništa ni s moje ni s bilo čije ako ćemo govoriti o politikanstvu to neko drugi provodi. Kakvo politikanstvo, nama je svima Stari Grad drag jednako kao i vama. Nemojte nekome trpati nešto što nismo rekli ni blizu. Prema tome govorimo o procedurama koje su sasvim normalne u svakom Općinskom vijeću, tako i ovo.

Predsjedavajuća Aida Bašić: Hvala gospođine Jašić. Pauza 5 minuta na zahtjev gospodina Bešića. Nakon pauze nastavljamo dalje. Još uvijek je rasprava u toku. Gospođa Zamboni izvolite.

Vijećnica Svjetlana Zamboni: Iz ove diskusije koja je vođena očito smo otišli u pogrešnom smjeru. Utoku ove pauze malo smo diskutovali o ovome šta mi zapravo danas radimo, šta je potrebno, koliko glasova itd da bi se donijela određena Odluka. Mi danas ispravite me ako griješim zamolit ću Eminu evo nakon mene da izađete pa da nam protumačite mi danas pokrećemo ne Inicijativu za status MZ Stari Grad niti nam treba ta peticija itd. Zato što to ne može doći na Dnevni red sve dok ne izvršimo nekakve izmjene u Statutu da bi dali prostora za donošenje takvih i sličnih Odluka pod broj 1. pod broj 2. mi danas govorimo o pokretanju procedure za izmjene Statuta ne mijenjamo Statut, dakle dajemo neki dokument u javnu raspravu da vidimo šta kažu građani vezano za taj dokument kakvog su mišljenja, ima li to osnova ili nema itd. Dakle, mi ne mijenjamo danas Statut samim time smatram da i ne trebamo imati 2/3 većinu opet molim Službu da potvrdi ili negira ovaj stav. Dakle, pogrešno diskutujemo, danas ne donosimo nikakvu Odluku o statusu Starog Grada. Danas donosimo Odluku o tome da li ćemo ući u izmjene Statuta odnosno da li ćemo to Načrt, Inicijativa kako god mi to u konačnici zaključkom možda promijenili i nazvali stavili u javnu raspravu i da dobijemo povratnu informaciju kroz javnu raspravu, ne mijenjamo Statut. Hvala.

Predsjedavajuća Aida Bašić: Hvala gospođo Zamboni. Odlično ste to sada referisali. Eldina, izvolite.

Eldina Mehinagić: Ja stojim iza svake svoje izgovorene riječi. Dozvoljavam i dopuštam da mi se kaže da pogriješim jer ljudski je griješiti ali u ovom slučaju smatram da pogriješila nisam iz milion miliona razloga. Lako je biti sad heroj poslije bitke kad se ovakve stvari dešavaju i onda da mijenjamo mišljenja i govorimo ovako ili onako. Ja stojim iza svoje riječi pa i ako sam pogriješila reći ću stojim iza toga. Način na koji je služba željela i htjela da sebi olakša posao i općinskog administraciji je ovo prvi korak jedna u nizu koji moramo završiti da bi na kraju došli i današnju ovakvu raspravu imali kada se svi uslovi stvore za to. Cilj ove aktivnosti i ovog prijedloga koji možda nije trebao biti prijedlog ali zato imamo pametniji ovdje od mene pa bi možda trebali da izađu i da kažu nemojte davati prijedlog, dajte inicijativu ok evo neka bude Inicijativa moj prijedlog kao rukovodioca službe da bude Inicijativa o kojoj ćemo krenuti u proceduru za izmjene i dopune Statuta pa ako treba ispoštovati tu što vi kažete proceduru da je ispoštujemo. Da dostavimo prijedlog Općinskom vijeću, odnosno predsjedavajućoj da dostavimo na Statutarnu komisiju i da ubrzamo taj proces. Tek kada ovo uradimo imat ćemo priču Inicijativu Starog Grada, imat ćemo priču formiranje mjesnih zajednica izmjene odluke itd. O ovoj stvari, o prijedlogu o informaciji, znači ne usvajamo Statut i ne treba 2/3 većina prijedlog ali Inicijativu ako dajemo da se pokrene odnosno Načrt možda i nadpolovična većina da glasa koliko se meni čini da je tako. Prijedlog izmjene i dopune Statuta bi trebale da idu sa 2/3 većinom ali ako pokrenemo Inicijativu da se pokrene priča o izmjenama Statuta u tom slučaju Služba će sljedeće Vijeće odmah dostaviti prijedlog izmjene Statuta Općinskom vijeću, odmah će dostaviti Inicijative koje su bile potrebne ali ovoga puta će se svako potpisati ko da svoje mišljenje da stane da kaže da ne bi sutra bilo nisam govorio ili jesam govorio. Ja možda kao rukovodilac pogriješim i mogu pogriješiti, zato smo ovdje

da mi se sugeriše na neke stvari ali smatram i dalje da ovdje nisam pogriješila. Možda smo željeli neke stvari da odradimo brzo, zatop što mi imamo problem funkcionisanja mjesnih zajednica. Zato što imam inicijativu 245 ljudi iz Starog Grada da se pokrene formiranje, zato što mi je stalo da funkcionišu mjesne zajednice. To je nešto do čega ćemo doći ali akko ćemo nazvati Prijedlog Izmjene Statuta ide 2/3 većina kad se Statut usvaja ali Inicijativu za promjenu Statuta mogu dati i građani, može Načelnik općine, može predsjedavajuća Općinskog vijeća, odnosno Općinsko vijeće. Evo smatram, mislim evo sad opet neka pravnici kažu da li je bolje da, moj prijedlog je da idemo sad samo sa Inicijativom za aktivnosti oko izmjene i dopune Statuta da se na tome zadržimo i da za sljedeću sjednicu Općinskog vijeća kako vi kažete ispoštujemo procedure koje su neophodne da bi došao prijedlog za izmjenu i dopunu Statuta ovdje kod vas na usvajanje. Svaka Inicijativa može podržati nadpolovična većina. Opet neka neko pametniji kaže je li tako ili nije.

Predsjedavajuća Aida Bašić: Hvala Eldina, Emina, molim na kraju da.,

Emina Hasanić: Sve vas srdačno pozdravljam pošto izlazim prvi put. Krenut ćemo od Inicijative koja je podnesena od strane mještana naseljenog mjesta Stari Grad i Omerdino Polje, pokrenuli su Inicijativu za formiranje MZ Stari Grad, znači nisu pokrenuli Inicijativu za izmjenu Statuta, nego su pokrenuli Inicijativu za formiranje MZ Stari Grad. Da bi se formirala MZ Stari Grad trebaju određene izmjene u Statutu. Sam Statut znači da bi se izmijenio treba podnijeti Inicijativu. Možda se u ovome slučaju išlo nekom ne pogrešnom procedurom nego u najboljoj mjeri da se riješi u roku od 60 dana sva potrebna snaga, moć tražila se od Eldine. Eldina je to fino nama na Kolegiju prezentovala. Svi su se članovi Kolegija složili i da Eldina to riješi. Eldina je dala prijedlog kako riješiti, svi su se opet složili. Svi smo na istom fonu da se formira MZ Stari Grad, za formiranje bilo koje mjesne zajednice treba određena procedura. U ovom smjeru išlo se i da Statutarna komisija da svoje mišljenje, igrom slučaja članovi Statutarne komisije nisu mogli da sjednu iz bilo kakvih tehničkih, prirodnih, poslovnih razloga da li bolovanja, da li zbog poslovne prirode. Nisu mogli sjesti i da donesu to neko stručno mišljenje. Da li se u ovom slučaju Statutarna komisija izjasnila i dala svoje mišljenje, možda bi išlo u drugoj proceduri. Nije pogrešna procedura znači, nismo pogriješili proceduru niko od nas počev od samog Kolegija i dalje, vi danas nećete pogriješiti ni u kom slučaju. Stavili smo na Dnevni red, evo usvojilo se da ide na Dnevni red, ne znam, a vi meni recite da griješim u smislu da niko od nas ne želi da ide ova procedura. Možda će u vremenu doći još prijedloga za izmjenu Statuta. Mi u ovom slučaju ne radimo izmjenu Statuta, ljudi, nego samo pokrećemo Inicijativu za nešto. Ako je to Inicijativa za promjenu mogu dati građani putem mjesnih zborova u formi građanske Inicijative. Kako su oni to dali u kojem slučaju, oni su dali za jednu stvar. Služba je pokrenula za drugu stvar. Išlo se slijedom ovako kako stoji u Statutu i kako stoji u Poslovniku. Činjenica da je ovo što je Mirza tražio evo pa sam ja možda sugerisala predsjedavajućoj, pošto je šefica Službe rekla da je Općinski pravobranilac učestvovao u donošenju ovog prijedloga, vijećnik Mirza je tražio da ja pročitam da Komisija za Statutarna pitanja, Poslovnik i propise utvrđuje Nacrt i Prijedlog Statuta i Poslovnika, prati, razmatranja i analizira donošenje Statuta i Poslovnika kao i potrebne njihove dalje razrade i dogradnje. Odgovorno tvrdim da Statutarna komisija treba da učestvuje u samoj proceduri od prijedloga Inicijative i dalje. Statutarna komisija je upoznata s tim. U kojem slučaju da Statutarna komisija ne može zasjedati u narednih godinu dana, hoće li ovo sve čekati? Hoćete li vi prihvatiti ovo kao prijedlog kao Inicijativu na vama je. Nećete pogriješiti ni u kom slučaju. Hajmo pokrenuti nešto. Ne zna, vi meni sugerišite ako ja griješim, ni u kom slučaju ne griješim. Danas se ne govori o Izmjeni i dopuni Statuta. Statut i Statutarna odluka se donose 2/3 većinom svih glasova u Općinskom vijeću Maglaj, tako stoji u Statutu. Da ne treba danas 17 vijećnika da bi odlučilo o pokretanju procedure.

Predsjedavajuća Aida Bašić: Hvala Emina. Vijećnik Kusur se javio za riječ

Vijećnik Eldis Kusur: Ja vas sve selamim i pozdravljam to zaista evo ovako sjedim ovdje kao i vi svi, pa eto sat-dva. O čemu mi raspravljamo danas. Niste upravu, član 18. znači materijal koji smo dobili onda je pogrešno naslovljen. Znači u članu 118. Statuta Općine Maglaj piše izmjene i dopune Statuta donose se 2/3 većinom od ukupno izabranih vijećnika Općinskog vijeća. Član 119. piše promjene Statuta može podnijeti, pa piše ko može podnijeti Inicijativu. Mislim da smo mi

ovdje dobili smao pogrešan naslov. Ja ne znam, čitavo vrijeme slušam šta pričamo, niko ne govori da smo dobili pogrešan naslov. Ova tačka se trebala zvati promjene Statuta Općine Maglaj i to je to. Dobili smo u materijalu Prijedlog izmjena i dopuna Statuta, mislim a Prijedlog izmjena i dopuna Statuta piše fino 2/3 većina. Samo smo trebali dobiti promjene kao što pišu u Statutu član 119. promjene ko donosi, zna se ko može pokrenuti. 1/3 vijećnika u Općinskom vijeću, mogu građani, građansku inicijativu a može pokrenuti Načelnik. ovdje ja ne razumijem sjedimo 2 sata a ne znamo ni mi šta smo dobili u Dnevnom redu, je li greška nije, ne bih u to da ulazim. Svako radi svoj posao ali još jedno pitanje kao općinskog vijećnika. Zašto mi na Općinsko vijeće kao Općinski vijećnici nismo dobili Inicijativu građana. Zašto je nismo dobili, član 92. Statuta fino piše da građani, to jeste 10 % građana koji se vode na biračkom spisku imaju pravo da pokrenu građansku inicijativu a građansku inicijativu to jeste inicijativu za promjenu to jeste osnivanje nekih mjesnih zajednica može podnijeti Općinski načelnik, zašto mi tu inicijativu nismo dobili da utvrdimo da li je ta Inicijativa ispravna i da li je osnovana ili nije. Imali smo, trebalo je da nam se dostavi u roku od 60 dana po prijemu te Inicijative, mi to nismo dobili kao općinski vijećnici. Razumijemo da večeras ovaj materijal koji je služba pripremila ne tiče se člana 92, 93, toga se ne tiče ali ovdje formalno pravno po meni gledajući onda je napravljena samo greška u naslovu tačke Dnevnog reda, materijala to je to.

Predsjedavajuća Aida Bašić: Hvala gospodine Kusur, Abdurahmanović, izvolite.

Vijećnik Adis Abdurahmanović: Selamim i pozdravljam sve prisutne. Evo jednim dijelom je kolega Eldis načeo temu koju sam ja mislio pitati. Imamo pravnike ovdje i predsjedavajuću i Emínu pravnicu Općinskog vijeća, Ja sada vas pitam ovo nakon 2 sata i 5 minuta rasprave, ovo sada idemo u totalno drugom smjeru. Dnevni red je usvojen, sa tačkom Dnevnog reda koja se zove Prijedlog izmjene i dopune Statuta Općine Maglaj. Da smo je skinuli na početku sjednice, mogli bi za sljedeću pričati ovo što vi sada pričate za kraj ove sjednice. Ja vas kao pravnike sad pitam je li moguće nakon 2 sata rasprave o jednoj tački promijeniti, predefinirati u totalno drugom smjeru. Tražim odgovor.

Predsjedavajuća Aida Bašić: Hvala Abdurahmanović. Gospoda Zamboni izvolite.

Vijećnica Svjetlana Zamboni: Ne mogu kolega Adise da se ne javim. Koliko puta smo otvorili raspravu po tačkama Dnevnog reda i onda u toku rasprave vratili nešto na doradu ili promijenili mu naslov ili zaključkom uradili nešto. Ne znam koliko puta se to do sada desilo. Sjećate se kao i ja. Pa smo Izvještaje nazvali Informacijama, pa Informacije Izvještajima itd. itd. Sve je to bio proizvod diskusije koja je vođena u Vijeću. Ne vidim zašto bi sada ova tačka bila problematična ako mi možemo se usaglasiti i dati određeni prijedlog vezano i sam naslov ove tačke Dnevnog reda.

Predsjedavajuća Aida Bašić: Hvala gospođo Zamboni, Emina, izvolite.

Emina Hasančić: Mi još ovdje nismo dotakli, nije niko jasno rekao kako ćemo nazvati ovu tačku. Eldis je rekao Izmjenu i dopunu Statuta, ovdje se ne radi o Izmjeni i dopuni Statuta. Jesi pomenuo. Ja ću, znači, prvobitno kad smo na Kolegiju Adise ako se sjećaš prvobitno je bilo Izmjena i dopuna Odluke, ustvari Odluka o izmjeni i dopuni Statuta, je li bilo tako? Pa smo povukli. Znači, mijenjali smo. Danas se ne donosi Izmjena i dopuna Statuta, danas tek pokrećemo proceduru, znači, nešto pokrećemo. Hoćete li vi odlučiti, hoćete li pokrenuti nešto ili nećemo.

Predsjedavajuća Aida Bašić: Hvala Emina. Gospodin Kusur, izvolite.

Vijećnik Eldis Kusur: Hajdi možda ipak je razumijem i umor i svi smo radili danas, većina je radila do 16,00 sati. Ja kolegice Emina sam pitao zašto nije samo tačka nazvana promjene Statuta i da se glasa nadpolovičnom većinom to jeste kako je u članu 119. Statuta definisano a ovdje sam samo utvrdio ja mislim i ne znam da li se više ko slaže, da je samo ova tačka koju smo mi dobili u materijalu trebala biti formulisana promjene, pokretanje procedure za promjene Statuta. Ovdje čim se spomenu izmjene i dopune onda treba 2/3 većina, po članu 118. Statuta.

Predsjedavajuća Aida Bašić: Hvala gospodine Kusur. Gospodin Salatović, izvolite.

Vijećnik Edin Salatović: Ma ne radi se ovdje o Inicijativi, ovdje jasno u materijalu piše, kaže, na osnovu navedenog dajemo sljedeći Prijedlog za izmjenu i dopunu Statuta Općine Maglaj. Dakle, radi se konkretno o izmjenama i dopunama Statuta.

Predsjedavajuća Aida Bašić: Hvala gospodine Salatović. Prije nego što zaključim raspravu, pozivam članove Kolegija na kratku sjednicu Kolegija. Još uvijek nije zaključena rasprava vezano za tačku 1. Ukoliko nema više prijavljenih diskutanata, nakon što zaključim raspravu... jel želite pauzu, izvolite. Nastavljamo sa sjednicom da li Klub SDP-a ima stva izvolite.

Vijećnik Senad Šehić: Sve vas lijepo pozdravljam. Kako nam je i na Kolegiju maloprije rekla gospođa Emina, pravnica iz Službe Općinskog vijeća da nema prepreka nikakvih kada je u pitanju promjena naziva tačkaka na Dnevnom redu, Klub SDP-a zajedno sa svojim partnerima predlaže izmjenu naziva prve tačke Dnevnog reda, koja bi glasila Odluka o prihvatanju Inicijative Općinskog načelnika o izmjeni i dopuni Statuta Općine Maglaj uz zaključak da nadležna općinska služba provede svu zakonom predviđenu proceduru neophodnu za izmjenu i dopunu Statuta.

Predsjedavajuća Aida Bašić: Hvala gospodine Šehić, pauza na zahtjev Kluba SDA, izvolite. Nastavljamo sa sjednicom, da li ćete iznijeti stav SDA, izvolite.

Vijećnik Adis Abdurahmanović: Ja bih samo prije glasanja pitao pravnicu Općinskog vijeća koji član Poslovnika dozvoljava ove izmjene u toku same sjednice i naš prijedlog je da predlagrač povuče ovu tačku Dnevnog reda jel nije u pitanju samo naziv, greška u nazivu nego kompletan. Mi usvajamo kompletan prateći akt. Znači, nije u pitanju samo naziv, molim odgovor i ukoliko ovo prođe mi ćemo sve zakonske mjere koje nam dozvoljavaju pokrenuti po ovom pitanju.

Predsjedavajuća Aida Bašić: Hvala Abdurahmanović, Emina, izvolite.

Emina Hasanić: Ja bih na pitanje odgovorila pitanjem koji to ne dozvoljava član?

Predsjedavajuća Aida Bašić: Hvala Adise, izvolite.

Vijećnik Adis Abdurahmanović: Gospođu Emina, ja mislim da sam ja ovdje vijećnik i da ja vama trebam postavljati pitanja da nam obrazložite ono za što se zaposleni i za što radite u ovom Općinskom vijeću.

Predsjedavajuća Aida Bašić: Hvala, Emina izvolite.

Emina Hasanić: Ja se izvinjavam ako sam Vas bilo čime uvrijedila, ako sam na pitanje odgovorila pitanjem ovaj. Niti jedan član mene ne demantuje u smislu kad sam ja javno ovdje izrekla za govornicom da svaka izmjena Dnevnog reda je na vama. Hoćete li je izmijeniti ili nećete izmijeniti.

Predsjedavajuća Aida Bašić: Hvala, gospodine Jašić izvolite.

Vijećnik Safet Jašić: Ma ne vodi ovo ničemu na ovaj način. Gospodin Abdurahmanović je htio da kaže sljedeće. S obzirom da je Dnevni red usvojen. Usvojen je Dnevni red i otišli smo toliko daleko da se postavlja pitanje, šta dalje raditi. Da li je moguće promijeniti naziv tačke Dnevnog reda. Suština problema je tu. Iz tog razloga je predsjednik Kluba i predložio da predlagrač povuče materijal. To je jedino rješenje ispravno inače ovo je i mi tražimo i nigdje nismo našli ni u Poslovniku o radu Općinskog vijeća. Ovo je presedan, ovo se nije do sada dogovorilo, sigurni budite i dobro i ja sam dugo ovdje i ja znam i mislim da ovo kako god bilo koju drugu Odluku da donesemo pogriješit ćemo budite sigurni, povrijedit ćemo Statut, odnosno Poslovnik o radu. Eto.

Predsjedavajuća Aida Bašić: Hvala gospodine Jašić, gospođa Hadžić, izvolite.

Vijećnica Aida Hadžić: Kaže ona stara put do pakla je poločan dobrim namjerama a vjerujem da su neke greške ovdje napravljene iz dobrih namjera ali nije sramota priznati kad se pogriješi. Ja barem nemam s tim problema i nikad ne bih rekla da sve znam niti treba iko ovdje da sve zna. Stojimo na stavu da ova tačka se ne može izmijeniti zato što ostale, naziv odnosno tačke se ne može izmijeniti jer dokumentacija ne prati i da je najbolji prijedlog bio ono na početku da smo je skinuli ne bi skinuli ovoliko vremena a evo ako se slažu i ostali, možda da se povuče, odnosno da predlagrač povuče ako je to uredu.

Predsjedavajuća Aida Bašić: Hvala gospođu Hadžić, gospođa Zamboni izvolite.

Vijećnica Svjetlana Zamboni: Stvarno pravimo problem tamo gdje ga nema. Radili smo ovo i prije, odgovorno to tvrdim da jesmo. Razgovarali o materijalima, mijenjali im nazive u toku diskusije jer je isplivalo uvijek nešto ispliva pa na osnovu te diskusije znamo i promijeniti. Gospođu Hadžić, ja ne znam šta je problem u sadržaju ako pokrećemo Inicijativu, neće ovo biti sigurno jedina Inicijativa koja će se u javnoj raspravi pojaviti. Bit će sigurno i drugih inicijativa za izmjene i dopune Statuta. Znači, ne vidim šta može biti problem ako tamo ima nekoliko prijedloga

pojaviti će se i u toku javne rasprave još i više i šta ćemo onda. Ne vidi zašto sadržaj može biti problem. Ako promijenimo naziv, i pokrenemo Inicijativu otvaramo javnu raspravu. Ovo je jedan od prijedloga izmjena, vjerovatno će ih biti i više. Tako da stvarno ne vidim šta može biti sporno.

Predsjedavajuća Aida Bašić: Hvala gospođo Zamboni. Da li ima više diskutantata.

Vijećnica Svjetlana Zamboni: Oprostite, samo još nešto. Gospodin Abdurahmanović je rekao mi ćemo preduzeti zakonom nešto, ne znam. Kako je pravica i rekla, nema u Poslovniku člana koji kaže da ne može.

Predsjedavajuća Aida Bašić: Nemojte s smjesta.

Vijećnica Svjetlana Zamboni: Molim vas gospodine Fermiću, vi ste gost na ovoj sjednici i molim vas da se tako i ponašate. Eto, ništa više. Znači, nema u Poslovniku nešto što kaže ne smije se ili ne može se promijeniti naziv tačke Dnevnog reda. Mi diskutujemo o onome o čemu diskutujemo a to je hoćemo li pokrenuti tu Inicijativu za izmjene i dopune Statuta, hoćemo li otvoriti javnosti mogućnost da predlaže i svima onima koji mogu biti predlagачi za izmjene. O tome mi danas raspravljamo i izgubili smo evò tri sata da kažu možemo li mi ili ne možemo otvoriti, pokrenuti proceduru za izmjenu Statuta. Na to smo izgubili 3 sata i hoćemo li to zvati Inicijativom, ili ovako ili onako. Stvarno ne vidim zašto onemogućavamo stvaranje preduvijeta za želju građana. To mi nije jasno. Zašto mi onemogućavamo da se nešto desi što znamo da je izraz želje jedne grupe građana.

Predsjedavajuća Aida Bašić: Hvala gospođo Zamboni. Replika gospođa Hadžić.

Vijećnica Aida Hadžić: Zaista se ovdje ne radi o nekom spriječavanju pokretanja nečega, nego samo želje da se poštuje zakon. Koliko se on nama svidio ili ne svidio, nekad hoćemo da olakšamo sebi neke korake ali ako nismo ispoštovali sve a mi smatramo da nije.

Predsjedavajuća Aida Bašić: Replika gospođa Zamboni, izvolite. Hajte molim vas da ovo konačno zaključimo.

Vijećnica Svjetlana Zamboni: Gospođa Hadžić, navedite mi koji član Zakona i kojeg Zakona se ovdje ne poštuje. Hvala.

Predsjedavajuća Aida Bašić: Hvala. Gospođa Hadžić izvolite.

Vijećnica Aida Hadžić: Da ne preciziram ali ako je Inicijativa jel ispoštovana sva procedura Inicijative?

Predsjedavajuća Aida Bašić: Hvala, gospođa Zamboni izvolite i molim vas da...

Vijećnica Svjetlana Zamboni: Onaj ko je pažljivo slušao diskusiju koju je proveo SDP ovdje u Sali, dakle na prijedlog predsjednika Kluba SDP-a i naših političkih partnera dakle predlažemo izmjenu naziva tačke Dnevnog reda a to je Odluka o prihvatanju Inicijative Općinskog načelnika. Šta tu ima sad sporno.

Predsjedavajuća Aida Bašić: Hvala lijepo, gospodin Firuz izvolite.

Vijećnik Firuz Galijašević: Pozdravljam sve prisutne. Jedina prava slika će biti vaše ruke kojim ćete glasati za ili protiv stanovnika ili mještana Starog Grada i mi imamo svoje novinare koji će to objaviti. Hvala.

Predsjedavajuća Aida Bašić: Hvala Firuze. Ukoliko više nema vijećnika. Fermiću, mislim da smo stvarno iscrpili sve, gospođa Zamboni hvala vam. Zaključujem raspravu. Mislim da je sasvim bilo dovoljno vremena. Imamo prijedlog od strane Kluba SDP-a koji ću staviti na glasanje i molim da saslušate. Radi se o promijeni naziva tačke 1, znači naziv je bio Prijedlog izmjene i dopune Statuta Općine Maglaj. Prijedlog Kluba SDP-a je da se tačka zove Odluka o prihvatanju inicijative Općinskog načelnika o izmijeni i dopuni Statuta Općine Maglaj uz prijedlog zaključka da nadležna općinska služba provede svu zakonom predviđenu proceduru neophodnu za izmjenu i dopunu Statuta. Stavljam prijedlog Kluba SDP-a na glasanje ko je za?

Glasalo za: Svjetlana Zamboni, Elvir Arnautović, Jasmin Đuhara, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Sanir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik).

Glasalo protiv: Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejić, Eldis Kusr (SDA).

Uzdržanih: Aida Bašić (A-SDA), Aida Hadžić (DF), Mirza Mešić (samostalni vijećnik).

Predsjedavajuća Aida Bašić: Konstatujem da je prijedlog dobio potrebnu većinu, te da se tačka zove Odluka o prihvatanju inicijative Općinskog načelnika o izmjeni i dopuni Statuta Općine Maglaj, uz prijedlog zaključka da nadležna Općinska služba provede svu zakonom predviđenu proceduru neophodnu za izmjenu i dopunu Statuta. Tražim pauzu 5 minuta.

Predsjedavajuća Aida Bašić: Nastavljamo dalje. Nakon što smo usvojili Prijedlog Kluba SDP-a o promjeni naziva tačke broj 1. Sa promijenjenim nazivom odnosno tačka se sada zove Odluka o prihvatanju Inicijative Općinskog načelnika o izmjeni i dopuni Statuta Općine Maglaj na glasanje, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BiH), Edin Osmić (samostalni vijećnik).

Glasalo protiv: Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusr (SDA).

Uzdržanih: Aida Bašić (A-SDA), Aida Hadžić (DF), Mirza Mešić (samostalni vijećnik).
Konstatujem da je tačka broj 1 dobila potrebnu većinu.

ZAKLJUČAK

- 1.1. Mijenja se naziv tačke 1. Dnevnog reda 35. redovne sjednice Općinskog vijeća Maglaj u Odluku o prihvatanju Inicijative Općinskog načelnika o izmjeni i dopuni Statuta Općine Maglaj;
- 1.2. Zadužuje se nadležna općinska služba da provede svu zakonom predviđenu proceduru neophodnu za izmjenu i dopunu Statuta Općine Maglaj.

AD – 2: Prijedlog Odluke o usvajanju djelimične izmjene Regulacionog plana „Centar Maglaj-Južni dio“ po zahtjevu firme „AICOMP“ doo Maglaj

Predsjedavajuća Aida Bašić: Prelazimo na tačku broj 2. Prijedlog Odluke o usvajanju djelimične izmjene Regulacionog plana Centra Maglaj-južni dio po zahtjevu firme AICOMP d.o.o. Maglaj. Da li nam je potreban uvodničar za tačku broj 2. Otvaram raspravu, da li se neko javlja za riječ? Ne javlja, zatvaram raspravu. Tačku broj 2. stavljam na glasanje, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BiH), Edin Osmić (samostalni vijećnik), Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusr (SDA), Aida Bašić (A-SDA), Aida Hadžić (DF), Mirza Mešić (samostalni vijećnik).

Glasalo protiv: Nema.

Uzdržanih: Nema.

Konstatujem da je Suljaković Maid izvan sale za vrijeme glasanja.

ZAKLJUČAK

- 2.1. Donosi se Odluka o usvajanju djelimične izmjene Regulacionog plana „Centar Maglaj-Južni dio“ po zahtjevu firme „AICOMP“ doo Maglaj

AD 3. Prijedlog Odluke o pristupanju djelimičnoj izmjeni Regulacionog plana „Stari Grad Maglaj“, po inicijativi Općinskog načelnika

Predsjedavajuća Aida Bašić: Prelazimo na tačku 3. Prijedlog Odluke o pristupanju djelimičnoj izmjeni Regulaionog plana Stari Grad Maglaj po Inicijativi Općinskog načelnika. Otvaram raspravu, da li je potreban uvodničar. Jeste. Nedžade, izvolite.

Nedžad Čatić: Pozdravljam sve prisutne. Prijedlog Prijedlog Odluke o pristupanju djelimičnoj izmjeni Regulaionog plana Stari Grad ovdje se radi o prijedlogu izmjene Regulaionog plana, ustavri Prijedlogu Odluke o pristupanju izmjene u dijelu ulaza u Stari Grad, to jeste na dijelu gdje je ono zakretanje na regionalnom putu kad se ide iz pravca Zavidovića, ulazak u Stari Grad, ovom izmjenom se predviđa da se riješi to saobraćajno rješenje, da se proširi to zaokretanje gdje bi se dijelom ušlo u parcelu u privatno vlasništvo i samim time bi se bolje riješilo saobraćajno rješenje ulaza u grad. Za ovaj dio mi imamo i saglasnost vlasnika parcele, tako da bi se u odnosu na dosadašnje rješenje je onaj objekat kafane ostavljen po dosadašnjem rješenju, koji je faktički na samoj ulici u tom dijelu bi se izvršilo proširenje zakretanja tog i riješilo bi se to saobraćajno rješenje. Mi nismo ovdje stavili prijedlog samog rješenja to bi ostavili nosiocu izrade koji je stručniji da daju prijedlog samog rješenja u ovom dijelu. Hvala.

Predsjedavajuća Aida Bašić: Da li se neko javlja za diskusiju, gospodin Mešić izvolite.

Vijećnik Mirza Mešić: Kada je u pitanju rješenje saobraćajno na ovom dijelu saobraćajnice koji se nalaze na regionalnoj cesti postoji i drugo idealnije rješenje. Danas sam provjerio sa ljudima koji se bave projektovanjem i gradnjom, da je već nekad ranije postojalo to rješenje, tako sam dobio informaciju, odnosno da se trajno riješi. Mi ćemo možda malo riješiti saobraćajnicu ali nećemo ni to riješiti vjerujte. Teretna motorna vozila sa priključnim vozilima koja svakodnevno prolaze i dolaze u Natron Hayat imaju veliki problem tu prilikom skretanja i to im je jedina opcija koja dolazi odozgo od Zavidovića, regionalnom cestom, gdje smo jučer imali slučaj gdje je puklo crijevo za zrak na priključnom vozilu i blokada saobraćajna raskrsnice. Vi kad gore pomjerite u tu površinu koju sada govorite vi ćete dolaziti do blokade saobraćaja ponovo. Druga blokada koja se dešava nadolaskom rijeke Bosne, mi tu saobraćajnicu gubimo. To možete proširiti da bude koliko god široko kada je voda nema prolaska. Ja imam prijedlog jednog idejnog rješenja da se radi dokumentacija ta, da se raskrsnica pravi na mostu. Razgovarao sam sa izvođačem radova koji je bio jučer na tom mjestu da se sa same raskrsnice penje na most i dole ispod Gradine da se krene stubovi dižu da se radi projektno rješenje, to je ideja moja. Da se raskrsnica pravi na samom mostu i mi smo trajno riješili taj problem. Druga stvar mi ako opština to je regionalna cesta možemo tražiti sa viših nivoa naravno i sredstva da se rade određene stvari da učestvuje općina i tu ćemo trajno riješiti taj problem. Ovo vjerujte mi jest djelimično rješenje ali nije rješenje sigurno prije saobraćajnice.

Predsjedavajuća Aida Bašić: Hvala gospodine Mešić. Da li se još neko javlja za riječ? Nedžade, da li ima neki odgovor neki odgovor na ovaj Mirzin prijedlog, sugestiju.

Nedžad Čatić: Pa dobro Mirzin prijedlog je nešto sasvim drugo u odnosu na ovo što mi ustvari sad hoćemo d auradimo. Ovo jeste neko rješenje i bolje bi bilo sigurno nego što što je sada a ovo je neizvjesno. Ja znam da je bilo priče oko ovoga ali eto i do sada se nikad nije to ni realizovalo, da li ima nekih razloga, ide to direktno na mosta ne znam. To je sasvim nešto drugo ali eto ovim rješenjem bi se ipak riješilo sadašnje stanje, bilo bi dosta bolje nego što je bilo do sada. Hvala.

Predsjedavajuća Aida Bašić: Hvala Nedžade, Mirza da li želite da vaš prijedlog stavimo na glasanje ili je to bila sugestija službi? Hvala, da li ima više diskutadata, ukoliko nema zatvaram raspravu i tačku stavljam na glasanje. Tačka 3. Prijedlog Odluke o pristupanju djelimičnoj izmjeni Regulaionog plana Stari Grad Maglaj po Inicijativi Općinskog načelnika. Ko je za?

Glasalo za: Svjetlana Zamboni, Elvir Arnautović, Jasmín Duhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik), Aida Bašić (A-SDA), Aida Hadžić (DF).

Glasalo protiv: Nema.

Uzdržanih: Eldin Pehrat, Maid Suljaković, Adis Abdurahmanović, Edin Salatović, Safet Jašić, Mirsad Bežić, Eldis Kusur (SDA), Mirza Mešić (samostalni vijećnik).

Konstatujem da je Prijedlog Odluke dobio potrebnu većinu.

ZAKLJUČAK

3.1. Donosi se Odluka o pristupanju djelimičnoj izmjeni Regulacionog plana „Stari Grad Maglaj“, po inicijativi Općinskog načelnika.

AD – 4: Prijedlog Odluke o pristupanju djelimičnoj izmjeni Regulacionog plana „Novi Šeher“ po zahtjevu MZ Novi Šeher

Predsjedavajuća Aida Bašić: Prekuzimo na tačku 4. a to je Prijedlog Odluke o pristupanju djelimičnoj izmjeni Regulacionog plana Novi Šeher po zahtjevu MZ Novi Šeher. Otvaram raspravu, da li je potreban uvodničar? Jeste, Nedžade, možete li nam malo pojašniti vezano za ovu izmjenu?

Nedžad Čatić: Prijedlog Odluke o pristupanju djelimičnoj izmjeni Regulacionog plana Novi Šeher odnosi se, ustvari ona je uslijedila po inicijativi MZ Novi Šeher, radi se o izmjeni dijela saobraćajna pošto bi se ovom izmjenom Regulacionog plana izmijenila da bi se faktički legalizovalo faktičko stanje. Saobraćajnica koja je predviđena po Reguacionom planu nije na takav način urađena već je urađena na drugačiji način. Radi se o saobraćajnici koja zahvata dio opštinskog zemljišta. Ona je urađena sa druge strane, tako da bi ovom izmjenom se legalizovalo ovo stanje na licu mjesta a ostali dio bi se prilagodio ovoj izmjeni što se tiče predviđenih objekata za izgradnju.

Predsjedavajuća Aida Bašić: Hvala Nedžade. Rasprava je otvorena da li se neko javlja za riječ? Ne javlja. Zatvaram raspravu i stavljam Prijedlog Odluke o pristupanju djelimičnoj izmjeni Regulacionog plana Novi Šeher po zahtjevu MZ Novi Šeher na glasanje. Ko je za?

Glasalo za: Svjetlana Zamboni, Elvir Arnautović, Jasmin Đuhara, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Đelić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik), Aida Bašić (A-SDA), Aida Hadžić (DF).

Glasalo protiv: Nema.

Uzdržanih: Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusr (SDA).

Konstatujem da su vijećnici Maid Suljaković (SDA) i Mirza Mešić (samostalni vijećnik) van sale za vrijeme glasanja. Konstatujem da je Prijedlog Odluke o pristupanju djelimičnoj izmjeni Regulacionog plana Novi Šeher po zahtjevu MZ Novi Šeher dobio potrebnu većinu.

ZAKLJUČAK

4.1. Donosi se Odluka o pristupanju djelimičnoj izmjeni Regulacionog plana „Novi Šeher“ po zahtjevu MZ Novi Šeher.

AD – 5: Prijedlog Odluke o gubitku statusa javnog dobra u općoj upotrebi (k.č. br. 319/2 k.o. Moševac)

Predsjedavajuća Aida Bašić: Prelazimo na tačku 5 a to je Prijedlog Odluke o gubitku statusa javnog dobra u općoj upotrebi k.č. 319/2 KO Moševac. Otvaram raspravu, da li je potreban

uvodničar? Nije. Da li se neko javlja za riječ? Ne javlja, zatvaram raspravu te Prijedlog Odluke o gubitku statusa javnog dobra u općoj upotrebi stavljam na glasanje. Ko je za?

Glasalo za: Svjetlana Zamboni, Elvir Arnautović, Jasmin Duhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik), Aida Bašić (A-SDA), Aida Hadžić (DF), Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusr (SDA)

Glasalo protiv: Nema.

Uzdržanih: Nema.

Vijećnici Maid Suljaković (SDA) i Mirza Mešić (samostalni vijećnik) van sale.

ZAKLJUČAK

5.1. Donosi se Odluka o gubitku statusa javnog dobra u općoj upotrebi (k.č. br. 319/2 k.o. Moševac).

AD – 6: Prijedlog Odluke o kupovini nekretnine (po ponudi Hadžišehić (Hamza) Miralem zastupan po staraocu za posebne slučajeve Hadžišehić (Hamza) Muharem)

Predsjedavajuća Aida Bašić: Prelazimo na tačku 6 a to je Prijedlog Odluke o kupovini nekretnine po ponudi Hadžišehić (Hamza) Miralem, zastupan po staraocu za posebne slučajeve Hadžišehić (Hamza) Muharem. Da li je potreban uvodničar? Otvaram raspravu, da li se neko javlja za riječ? Ne javlja, zatvaram raspravu, te Prijedlog Odluke o kupovini nekretnine stavljam na glasanje, ko je za?

Glasalo za: Svjetlana Zamboni, Elvir Arnautović, Jasmin Duhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik), Aida Bašić (A-SDA), Aida Hadžić (DF), Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusr (SDA)

Glasalo protiv: Nema.

Uzdržanih: Nema.

Vijećnici Maid Suljaković (SDA) i Mirza Mešić (samostalni vijećnik) van sale.

ZAKLJUČAK

6.1. Donosi se Odluka o kupovini nekretnine po ponudi Hadžišehić (Hamza) Miralem zastupan po staraocu za posebne slučajeve Hadžišehić (Hamza) Muharem)

AD – 7: Izvještaj o radu Općinskog vijeća Maglaj za 2023. godinu

Predsjedavajuća Aida Bašić: Prelazimo na tačku 7, a to je Izvještaj o radu Općinskog vijeća Maglaj za 2023. godinu. Otvaram raspravu. Abdurahmanović se javlja za riječ, izvolite.

Vijećnik Adis Abdurahmanović: U materijalu, a u vezi vijećničkih pitanja i inicijativa stoji sljedeće, postavljeno je ukupno 52 vijećnička pitanja i inicijative koji se u najkraćem roku dostavljaju odgovarajuće službe, ustanove, preduzeća i institucije koji su zaduženi za davanje odgovora. U službi Općinskog načelnika i Općinskog vijeća dostavljeni su odgovorni koji se odmah prosljeđuju mailom svim vijećnicima, kao i vijećniku koji je postavio vijećničko pitanje,

odnosno inicijativu. Smatramo da u ovom Izvještaju trebalo je da se navede broj vijećničkih pitanja, odnosno inicijativa na koji se nije odgovorilo a mi iz Kluba vijećnika SDA smo uskraćeni za odgovore na većinu vijećničkih pitanja. Također imamo primjedbe na nerad određenih komisija. Pa ćemo navesti neke. Komisija za poljoprivredu, vodoprivredu i šumarstvo ni jedna sjednica, Komisija za društvene odnose, odnose sa vjerskim zajednicama, boračko-invalidska i socijalna pitanja, ni jedna sjednica. Komisija za obrazovanje, nauku, kulturu i sport dvije sjednice, smatramo da je i ova komisija trebala više da se angažuje. Komisija za pitanje mladih i ravnopravnost polova ni jedna sjednica. Komisija za zaštitu kulturno-historijskog i privrednog naslijeđa i turizam ni jedna sjednica. Smatramo da su navedene komisije trebale biti mnogo aktivnije ako se tako može reći obzirom da većina od navedenih nit jedanut nije održala sjednicu. Drugostepena stručna komisija četiri sjednice, s obzirom da ova komisija raspravlja o veoma bitnim stvarima a održane su 4 sjednice, zanima nas odnosno smatramo da je trebalo da stoji u materijalu, šta su bile teme zasjedanja ove komisije. Hvala.

Predsjedavajuća Aida Bašić: Hvala Abdurahmanoviću. Da li se još neko javlja za riječ? Dužna sam da napomenem da je Izvještaj urađen u istom konceptu kao što je rađen i prethodnih godina, tako da. Hvala na sugestijama. Gospodine Bešić, izvolite.

Vijećnik Mustafa Bešić: Evo ja bih se samo osvrnuo na Adisovo izlaganje, meni je drago što je Adis ovdje rekao za nerad komisija i zbog čega ja nisam htio da se podrži, da se poveća naknada. Znači, povećati nekome naknadu za nerad. Eto toliko. Nema smisla ljudi koji ne rade a da dobijaju naknadu. Ne ne da se poveća ali da ne rade.

Predsjedavajuća Aida Bašić: Ko bude radio i dobit će naknadu.

Vijećnik Mustafa Bešić: Pa dobro ovo vidimo mi da nemamo komisija tih. Znači, predsjednici komisija, evo ja sam član jedne komisije. Ne sazove sastanak i mi nemamo šta ćemo. Kod mene je iz Šehera momak, Pervan ja mislim predsjednik Komisije za poljoprivredu.

Predsjedavajuća Aida Bašić: Hvala gospodine Bešić. Da li se još neko javlja za diskusiju, ukoliko nema zatvaram raspravu te Izvještja o radu Općinskog vijeća Maglaj za 2023. godinu stavljam na glasanje, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik), Aida Bašić (A-SDA), Aida Hadžić (DF).

Glasalo protiv: Nema.

Uzdržanih: Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusr, Maid Suljaković(SDA).

ZAKLJUČAK

7.1. Usvaja se Izvještaj o radu Općinskog vijeća Maglaj za 2023. godinu

AD – 8: Izvještaj o radu Općinskog načelnika i službi za upravu Općine Maglaj za 2023. godinu

Predsjedavajuća Aida Bašić: Prelazimo na tačku 8. Izvještaj o radu Općinskog načelnika i službi za upravu Općine Maglaj za 2023. godinu. Da li nam je potreban uvodničar? Nije, otvaram raspravu, da li se neko javlja za riječ. Ne javlja. Zatvaram raspravu, te Izvještaj o radu Općinskog načelnika i službi za upravu Općine Maglaj za 2023. godinu stavljam na glasanje, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik).

Glasalo protiv: Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusr (SDA), Mirza Mešić (samostalni vijećnik).

Uzdržanih: Aida Bašić (A-SDA), Aida Hadžić (DF).

Konstatujem da je Izvještaj o radu Općinskog načelnika i službi za upravu Općine Maglaj za 2023. godinu dobio potrebnu većinu.

ZAKLJUČAK

8.1. Usvaja se Izvještaj o radu Općinskog načelnika i službi za upravu Općine Maglaj za 2023. godinu.

AD – 9: Izvještaj o radu Općinskog pravobranilaštva za period 22.06. – 31.12. 2023. godinu

Predsjedavajuća Aida Bašić: Prelazimo na tačku 9. a to je Izvještaj o radu Općinskog pravobranilaštva za period 22.06. do 31.12.2023. godine. Da li nam je potreban uvodničar, odnosno pravobranilac da se obrati. Nije, otvaram raspravu, gospodin Bejzić, izvolite.

Vijećnik Mirsad Bejzić: Selamim i pozdravljam sve prisutne. Klub vijećnika SDA je razmatrao Izvještaj Općinskog pravobranilaštva za period 22.06.-31.12.2023. godine i mišljenja smo da isti predstavlja vidan napredak u odnosu na prijašnje stanje i rad pravobranilaca u ranijem periodu. Evidentno je da se rade raznovrsni poslovi u okviru pravobranilaštva, da se predmeti rješavaju, da se uvode nove aktivnosti, da se sporovi rješavaju vandsudskim poravnanjem kao i sudskim nagodbama. Za svaku pohvalu je i prihvaćena vijećnička inicijativa po kojoj pravobranilaštvo pored redovnih poslova pruža i besplatnu pravnu pomoć građanima općine Maglaj. Čestitke gospođi Azri Čakrami.

Predsjedavajuća Aida Bašić: Hvala gospođine Bejzić. Gospodin Šehić, izvolite.

Vijećnik Senad Šehić: Pa evo bio bi red da na neki način da se zahvalim Općinskom pravobranilocu gospođi Azri Čakrami što smo uspješno realizovali ovu inicijativu o kojoj govori kolega Bejzić. Dobio sam povratne zaista informacije od građana koji su doblili potrebnu i kvalitetnu uslugu i već su na pola puta rješavanja svojih problema. Ono što želim istaći je da je zaista zdušno Općinski pravobranilac prihvatio ovu inicijativu i realizovao i pored onog jednog termina koji smo odredili to jeste koji ste Vi odredili da jednom sedmično primete stranke da zapravo ne odbijate i one stranke koje dolaze u nekim drugim terminima kad imate vremena i zaista to je pohvalno. Opet zbog javnosti ja bih volio ako možete ako raspolazete tim brojem koliko je recimo stranaka obrađeno, koliko je takvih ljudi dobilo potrebnu besplatnu pravnu pomoć od kako je zaživjela inicijativa. Pitam Vas to iz razloga, pošto je bilo puno kometarata da je inicijativa bespotrebna, da je nama dovoljna ova pravna pomoć koja se pruža iz kantona, čini mi se u 15 ili mjesec dana koliko dolazi, pa evo iz tog razloga obzirom da ja imam neke nezvanične informacije da je veliki broj građana dobio te potrebne usluge i na kvalitetan način su riješili neke svoje probleme, pa evo ako raspolazete samo tim podatkom to me zanima zbog javnosti, ništa više. Hvala.

Predsjedavajuća Aida Bašić: Hvala gospođine Šehić. Gospođo Azra, izvinite samo gospođa Hadžić prvo pa onda Općinski pravobranilac.

Vijećnica Aida Hadžić: Svjesni smo znači činjenice da je Izvještaj Općinskog pravobraniloca rađen na pola mandata jednog pa drugog tako da je po našem mišljenju poprilično štur i dosta za nas vijećnike neobrazložen Izvještaj. Naša primjedba možda ili ako se, ustvari ovo bi mogao biti i zaključak da smatramo da Izvještaj treba dopuniti spiskom konkretnih predmeta kako u parničnom, tako i vanparničnom postupku, popis prijedloga pravobranilaštva za pokretanje izvršnog postupka od strane Općine kao i precizno naveden izvršni postupci koji su pokrenuti protiv Općine Maglaj. Prijedlog zaključka da je da Općinska pravobraniteljica dostavi vijećnicima u pisanoj elektronskoj formi svejedno podatke u roku od 30 dana, to bi moglo možda ići zajedno sa ovim što je kolega Šehić tražio.

Predsjedavajuća Aida Bašić: Hvala gospođu Hadžić. Gospođu Azra, izvolite.

Azra Čakrama: Zahvaljujem se eijenjenim vijećnicima na upućenim pohvalama a i naravno na sugestijama i primjedbama koje ste dali. Što se tiče pokrenute inicijative od strane vijećnika Šehić

Senada mogu kazati da na mjesečnoj razini se radi otprilike od 20 do 30 stranaka. Njihov interes je vezan za penzionisanje i ostvarivanje određenih naknada ali i podnošenje zahtjeva u smislu organa uprave Općine Maglaj. Naravno ne vodim te evidencije ako treba mogu i to da radim a što se tiče sugestije od strane dopredsjedavajuće, ja već imam urađene te spiskove pa evo 30 dana je dug rok, ja vam to mogu u roku od 7 dana odmah iza praznika dostaviti. Ja te evidencije posjedujem, hvala. Hvala svima za pohvale.

Predsjedavajuća Aida Bašić: Hvala lijepo. Da li se još neko javlja za riječ? Ukoliko nema više diskutiranja, stavljam Izvještaj o radu Općinskog pravobranilaštva za period 22.06.-31.12.2023. godine na glasanje uz određene evo sugestije koje smo imali. Ko je za?

Glasalo za: Svjetlana Zamboni, Elvir Arnautović, Jasmin Đuhara, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BiH), Edin Osmić (samostalni vijećnik), Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur (SDA), Mirza Mešić (samostalni vijećnik), Aida Bašić (A-SDA), Aida Hadžić (DF).

Glasalo protiv: Nema.

Uzdržanih: Nema.

Gospodin Suljaković je izvan sale Općinskog vijeća, 22 glasa za, protiv i uzdržanih nema. Konstatujem da je Izvještaj dobio potrebnu većinu.

ZAKLJUČAK

9.1. Usvaja se Izvještaj o radu Općinskog pravobranilaštva za period 22.06. – 31.12. 2023. godinu;
9.2. Da Općinska pravobraniteljica dostavi vijećnicima u pisanoj elektronskoj formi podatke u roku od 30 dana, a koji se odnose na spisak konkretnih predmeta kako u parničnom, tako i vanparničnom postupku, popis prijedloga pravobranilaštva za pokretanje izvršnog postupka od strane Općine, kao i precizno navedeni izvršni postupci koji su pokrenuti protiv Općine Maglaj i koliko je stranaka obrađeno, odnosno koliko je takvih ljudi dobilo potrebnu besplatnu pravnu pomoć od općinske pravobraniteljice od kako je zaživela inicijativa.

AD – 10: a) Izvještaj o radu Općinske izborne komisije Maglaj za 2023. godinu
b) Program rada Općinske izborne komisije Maglaj za 2024. godinu

Predsjedavajuća Aida Bašić: Prelazimo na tačku 10 a to je pod a) Izvještaj o radu Općinske izborne komisije Maglaj za 2023. godinu i ja bih odmah i pod b) Program rada Općinske izborne komisije za 2024. godinu. Gospoda Mubera Havić je ovdje ukoliko želite da nam se obrati, može. Da li je potrebno? Nije, otvaram raspravu, da li se neko javlja za diskusiju, ne javlja, javlja gospođa Hadžić, izvolite.

Vijećnica Aida Hadžić: Da pozdravim našu Mubertu i jedno pitanje ako može, pošto smo prošli put isto ovako nešto raspravljali da li imamo mi uopšte ovlaštenja da usvajamo, odnosno Izvještaj i Program o radu Općinske izborne komisije ili je to samo onaj dio što se tiče finansiranja od strane Općine, pa da nam to objasnite.

Mubera Havić: Pozdravljam sve prisutne. Što se tiče ovog Izvještaja mi Općinskoj izbornoj komisiji, znači CIK-u svaka tri mjeseca dajemo Izvještaj jedino finansijski. U suštini ovo što smo mi vama dostavili samo da vas informišemo. Mi smo dužni njima i znate da mi sve radimo po nekakvim njihovim odredbama i zakonskim odredbama. Tako da ovo je samo da budete upoznati vi šta je. Uvijek se možete obratiti ako ima nešto na što možete sugerisati a da mi možemo to provesti ili da možemo napraviti Inicijativu prema CIK-u samo izvolite, obratite nam se. Pošto ovo je izborna godina, imat ćemo puno posla i puno kontakata sa vama i uglavnom tu smo. Ako bude nešto da nije uredi oko izbornih mjesta, slobodno nam se obratite. Vidjet ćemo da zajedno dođemo

do nekog rješenja ako bude neki problem. Izvještaj finansijski je priložen službi. Od mene toliko, treba li još nešto.

Predsjedavajuća Aida Bašić: Ništa više gospodo Mubera. Hvala vam. Bez obzira na navedeno i ranije smo Izvještaj stavljali na glasanje, tako će biti i ovaj put. Ukoliko se slažete da odmah glasano i pod a) i pod b), ko je za?

Glasalo za: Svjetlana Zamboni, Elvir Arnautović, Jasmin Duhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik), Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur (SDA), Mirza Mešić (samostalni vijećnik), Aida Bašić (A-SDA), Aida Hadžić (DF).

Glasalo protiv: Nema.

Uzdržanih: Nema.

Gospodin Suljaković je i dalje izvan sale Općinskog vijeća, uzdržanih i protiv nema. Konstatujem da je i Izvještaj i Program dobio potrebnu većinu.

ZAKLJUČAK

10.1. Usvaja se Izvještaj o radu Općinske izborne komisije Maglaj za 2023. godinu;

10.2. Usvaja se Program rada Općinske izborne komisije Maglaj za 2024. godinu.

AD – 11: Plan i program rada „Komunalno javno društvo“ doo Maglaj za 2024. godinu

Predsjedavajuća Aida Bašić: Prelazimo na tačku 11. a to je Plan i Program rada Komunalnog javnog društva d.o.o Maglaj za 2024. godinu. Otvaram raspravu, da li nam je potreban uvodničar? Jeste, direktorica gospođa Šefka je sa nama. Šefka izvolite.

Šefka Hasanić: Uvažena predsjedavajuća, dopredsjedavajuća, općinski vijećnici, ja bih rvo iskoristila priliku da vam se zahvalim na podršci na imenovanju na funkciju direktora Javnog komunalnog preduzeća Maglaj. U materijalima ste dobili Plan i program rada Komunalnog javnog preduzeća za period 01.01.2024. godine do 31.12.2024. godine. Plan i program je koncipiran prema radu sektora koji se nalaze unutar Komunalnog javnog društva, tako da ste imali priliku pročitati u materijalima šta su to naši planovi u ovoj godini. Naravno oni su u skladu sa trenutnom finansijskom situacijom koja se nalazi u Komunalnom javnom društvu. Ne znam da li ima potrebe da elaboriram čitav Plan i program, imali ste ga u materijalima. Svakako stojim na raspolaganju ako bude dodatnih pitanja.

Predsjedavajuća Aida Bašić: Hvala direktorice. Rasprava je otvorena, gospodin Šehić izvolite.

Vijećnik Senad Šehić: Osvrnut ću se na ovaj dio koji se odnosi na upravljanje grobljem Borik. Ovdje je samo jednom rečenicom navedeno da je Plan za naredni period pokušati iznaći načina da se u saradnji sa drugim nadležnim organima riješi problem nedostatka neophodne infrastrukture. Ja to pozdravljam, dakle moram reći dobivam puno kritika od naših sugrađana za trenutno stanje na gradskom groblju Borik. Ja sam svjestan situacije da ste vi tu tek došlo na ovu poziciju da ste jako kratak period u firmi na poziciji direktorice i dakle svjestan sam toga da još uvijek se ništa nije moglo nešto značajnije uraditi. Dakle, ja vas molim da se gore obezbijedi barem nekakvi osnovni uslovi za organizaciju same sahrane, sprovođa ili kako već. Ako kao što svi znaju i kolege, vjerovatno i vi sami od 2021. godine, skoro 3 pune godine je Komunalno javno društvu dato groblje na upravljanje, da se sada ružno ne izrazim, to trenutno gore izgleda kao jedna livada, ledina, koja se kosi, održava, ono najminimalnije. Kada su kišni uslovi i kada se pod takvim uslovima sahrana sprovodi dakle jako je teško kretati se gore po onim stazama, tako da evo ja vas molim a obzirom da ubiremo određena sredstva, da uzimamo od ljudi naplaćujemo za određene usluge uzimamo novac dakle naplaćuju se i mjesta za rezervaciju i za same sahrane itd. Ja vas eto molim da se ta sredstva pa koliko god ih ima na raspolaganju što prije gore usmjere, da se barem steknu neki minimalni uslovi. Je li to nekakva i česma gdje bi imali i vodu i par klupa ali prioritet

su one staze koje se kreću između malih grobnih mjesta. Dakle, ponavljam još jednom kad su kišne padavine gore je blato do koljena, dakle ne izgleda to nikako humano i eto ja ću vas samo zamoliti da vam to bude među prioritetima na početku Vašeg mandata. Hvala.

Predsjedavajuća Aida Bašić: Hvala gospodine Šehić, Arif izvolite.

Vijećnik Arif Mujkanović: Prije svega isto ću pridržiti ću se čestitkama novoj direktorici i da znate da možete računati i kao vijećnika i kao građanina uvijek ću vam biti na raspolaganju i truditi ću se da vam olakšam i poboljšam vaš rad. Danas sam Vas prije sjednice Vijeća upoznao i rekao sam da ću Vam postaviti pitanje, mada se ne veže direktno na materijal ali zamolit ću vas, zamoljen sam od strane pojedinih privrednih subjekata a tiče se Odluke koju je Vijeće donijelo na jednoj od prethodnih sjednica da ćemo izvršiti reviziju Odluke o poskupljenju ovih cijena, odnosno korekciji cijena ne znam kako smo je već nazvali. Međutim, gdje su pojedini privredni subjekti zaista doživjeli enorman rast, pa ću vas zamoliti da nam što prije dostavite tu analizu i da pokušate zaista Vas molim da pokušate da se približe te cijene da vodite računa o susjednim općinama, da bi se to, da ne kažem da ne bi ispalo na način toga, donijeli smo Odluku da kažemo da budemo derikozne ili ne znam ni kako da nazovemo. Nadam se da ćete to uraditi, ustvari vjerujem i ja vam želim još jednom svu sreću u Vašem poslu. Hvala.

Predsjedavajuća Aida Bašić: Hvala Arife, gospodin Eldin izvolite.

Vijećnik Eldin Pebrat: Sve vas srdačno selamim i pozdravljam, evo budući da na današnjoj sjednici Općinskog vijeća imamo tačku Dnevnog reda koja se odnosi na Plan i program rada Komunalnog javnog društva Maglaj za 2024. godinu a s obzirom da smo na tematskoj sjednici vezanoj za stanje u ovom preduzeću održanoj 11.09.2023. godine, donijeli Odluku između ostalog o povećanju cijena komunalnih usluga, te zaključak kojim se zadužuje Nadzorni odbor Komunalnog javnog društva Maglaj da nam nakon 3 mjeseca od prvog dana primjene ove Odluke dostavi finansijske pokazatelje o efikasnosti primjene novih cijena, te smo se mi kao Općinsko vijeće trebali ponovo očitovati odnosno očitovati o daljnim koracima vezanim za navedeno. S obzirom, evo da su prošla tri mjeseca od početka primjene Odluke koju smo donijeli na tematskoj sjednici u septembru prošle godine a Nadzorni odbor za današnju sjednicu nije pripremio novu Odluku o utvrđivanju cijena odvoza smeća, predlažem da donesemo zaključak da Nadzorni odbor KJD Maglaj, pripremi novu Odluku uvažavajući sve nedostatke Odluke koja se primjenjivala do tada, pozivam Općinsko vijeće da danas usvojimo zaključak da se usluge Komunalnog javnog društva naplaćuju po starim cijenama, odnosno cijenama koje su bile prije promjene koju smo donijeli na sjednici 11.09.2023. godine. Građani općine Maglaj, znači treba svima nama da budu na prvom mjestu i u razgovoru sa građanima dakle kojima sam približio naše razmišljanje da povećanje cijena u prethodnom periodu posluži samo kao finansijska injekcija Komunalnom javnom društvu u tom trenutku koje se zaista nalazi u teškoj situaciji ali smatram da građani ne treba da iz svog džepa pokrivaju minuse prethodnog direktora. Zahvaljujem.

Predsjedavajuća Aida Bašić: Hvala Eldine. Direktorice da li želite da se obratite? Gospodin Kusr izvolite.

Vijećnik Eldis Kusr: Ja vas sve selamim i pozdravljam po drugi put. Ništa i ja bih direktorici zaželio uspješan rad u narednom periodu ali ujedno predlažem ovom Općinskom vijeću a i već ranije je Općinsko vijeće donijelo jedan zaključak da se konačno krene u rješavanje povrata vakufske imovine, to jeste mezaristana Podborik kako se stručno zove, to jeste u posjedovnim listovima i gruntu zove se Krčevina. S ovog mjesta kao općinski vijećnik predlažem da Nadzorni odbor Komunalnog javnog društva uz svoje zaključke to jeste ciljeve za 2024. godinu u Planu i programu rada uvrsti i pitanje povrata vakufske parcele Podobrik, krčevine i da se taj više problem riješi jer svi znamo da je ono gore vakuf i ništa drugo.

Predsjedavajuća Aida Bašić: Hvala gospodine Kusr, gospođa Hadžić izvolite.

Vijećnica Aida Hadžić: Ja bih još jednom čestitala direktorici na imenovanju i želim joj puno sreće bogami u ovom daljnjem radu. Ne vidim možda i griješim potrebu da se sada neke stvari iznosimo kada je ovo Plan i program rada. Mislim da smo na prošloj sjednici kad sam govorila o radu Komsije koja je bila imenovana da prati ove efekte povećanja cijena rekla zašto se ovaj izvještaj nije mogao završiti, zašto je komplikovano u Komunalnom društvu zbog tromjesečnog

obračuna stanovništvu da se kompletan Izvještaj dostavi i mislim da smo se dogovorili da će to ići na narednoj sjednici i tako da po meni možda ne moramo to ponavljati jer svakako je koliko znamo i mi to u pripremi. Tako da možda ali evo ostavljam opet na mišljenje svakom vijećniku. Jedino što je naš prijedlog ne znam kakvo je mišljenje vas ili evo direktorice da kaže da li je potrebno da uz Plan i program dostavlja se i finansijski plan za sljedeću godinu. Do sada to nije bila praksa koliko se ja sjećam prošle godine to nije išlo ali možda bi bilo lakše i radi nas da pratimo i radi direktorice da to sve planira sebi, da smo svjesni da ne bude na kraju godine eh što nije ovo, što nije ono. Nekako ako smo se već odlučili da zajedno pratimo i pomažemo rad Komunalnog društva, mislim da nam je to cilje. Sad vraćati cijene na staro, mislim da ne bi Komunalno moglo opstati. Svjesno smo poskupljenja tako da.

Predsjedavajuća Aida Bašić: Hvala gospodo Hadžić. Gospodo Hasanić izvolite.

Šefka Hasanić: Ja ću krenuti redom odgovarati na pitanje vijećnika Šehića, kako je navedeno u Izvještaju, Komunalnom javnom društvu je dato na upravljanje gradsko groblje i zaista kako piše mi sredstva koja su potrebna za uređenje tog gradskog groblja moramo tražiti sa viših nivoa ili općinskog Budžeta. Ona sredstva koja su uplaćena i od rezervacija su zaista nedostatna da se bilo šta uradi, to se možda može uraditi pristupni neki put, fonatana, voda, to su sve projekti koji zahtjevaju malo više sredstava nego što mi imamo od trenutnog naplaćenih rezervacija i ukopa. Finansijski pokazatelji evo kako je i dopredsjedavajuća rekla imali smo mi komisiju u januaru koja je razmatrala finansijske pokazatelje Odluke koja je donešena o povećanju cijena komunalnih usluga na području općine Maglaj. Jedan od zaključaka komisije i zajedničkog sastanka sa Komunalnim javnim društvom je bilo da se po završetku obračunskog perioda znači 01.10.-31.12.20203. godine na Vijeće dostavi ovaj konačni finansijski pokazatelj te Odluke. Danas je Izvještaj Komunalnog javnog preduzeća završen i znači mi nismo mogli bez usvajanja Nadzornog odbora to mogli dostaviti danas za današnju sjednicu. Oni su svakako pripremljeni i bit će dostavljeni na sljedeću sjednicu Općinskog vijeća. Tako da eto, jedan i od planova i ciljeva rada Komunalnog javnog društva jeste svakako suradnja i nastavak rješavanja problema vakufske zemlje. Finansijski plan do sada nije bilo praksa da se dostavlja, ja vama mogu reći da je planirani Budžet u ovoj godini 2.089.000,00 KM okvirno onaj, tako da računali smo sa nekom dobiti da ćemo izaći ovu godinu za 3.764,00 marke. To je okvirno samo sa informaciju a eto ako treba dostaviti i sa novim cijenama naravno. Za to zaista nema ni prostora za vraćanje ni dugova ni kompenzacije ovog nastalog duga u prethodnom periodu.

Predsjedavajuća Aida Bašić: Hvala direktorice. Gospoda Zamboni izvolite.

Vijećnica Svjetlana Zamboni: Gospodo Šefka, znam da ste kratko na poziciji direktorice Komunalnog javnog društva, no međutim kada je u pitanju groblje nije gradsko. Groblje Borik moramo biti svjesni činjenice da je Općina Maglaj uložila vrlo značajna sredstva da bi se oformilo groblje, naravno i sve one procedure koje su ispoštovane da bi to dobilo sve potrebne dozvole. U diskusijama koje su vođene u to vrijeme, rečeno je da će novac koji se plaća za zakup tih grobnih mjesta rezervacije itd biti iskorišten za unaprijednje je li te parcele u svakom smislu te riječi koja ima određene faze izgradnje ali to su veliki kapitalni izdaci. No međutim, ja bih Vas zamolila da u nekom narednom periodu po mogućnosti do naredne sjednice dostavite kalkulaciju koliko je novca već uplaćeno u smislu kupnje grobnih mjesta, rezervacija koje se plaćaju za mnogo, mnogo godina unazad pa da vidite da se tu ne radi baš o beznačajnim sredstvima a ove prijedloge koje je imao kolega Šehić ticali su se malih dakle pomaka na tom groblju koje bi omogućile samo normalan pristup grobnim mjestima. Osim toga, osjećam potrebu pošto mislim i sama košnja tog groblja predstavlja problem nama koji odlazimo gore. Oni koji odlaze tamo da kose, kose to trimerom i pošto su to spomenici mermerni ona se trava jako jako teško skine nakon toga. Vi znate način kako to uraditi da to bude kako treba, mislim tamo da je djelatnosti Komunalnog društva ali vjerujte mi sredstva koja su do sada uplaćena ja vam odgovorno tvrdim nisu uopšte beznačajna. Gdje su ta sredstva otišla ja ne znam ali namjera je bila da sredstva koja se uplaćuju za zakup i rezervacije grobnih mjesta budu iskorištena za reinvestiranje na tom groblju. Dakle shvatam da nešto zahtjeva velike investicije ali ove neke zahtjeve koje je kolega Šehić pomenuo dakle da li česma, da li

kanta za smeće, one staze koje apsolutno nikakvu funkciju nemaju i dižu blato na cipelema mislim da takve stvari ta sredstva mogu itekako pokriti.

Predsjedavajuća Aida Bašić: Hvala gospođo Zamboni.

Šefka Hasanić: U ovom periodu od mjesec dana mog rada, ja ću reći da su uplaćene dvije rezervacije i ja vam mogu odgovarati za te dvije rezervacije a za ovo što je bilo u prethodnom periodu vjerovatno ćete dobiti i pravdanje tih sredstava u Izvještaju koji će podnijeti bivša direktorica koja je u tom periodu bila i v.d.direktor i preuzela funkciju od direktora Bradarića koji je bio tu. Da nažalost i vjerovatno ta sredstva s ove pozicije mogu reći da su u nekom tom saldu ili gubitku koji je nastao u međuvremenu. Znači, te dvije rezervacije koje su uplaćene u ovom periodu ja mogu za to vam garantovati i biti odgovorna da će biti utrošene u te namjene a za sve ovo ostalo vjerovatno ćete dobiti u Izvještaju za rad za 2023. godinu.

Predsjedavajuća Aida Bašić: Hvala direktorice, Gospodin Jašić, pa gospođa Hadžić.

Vijećnik Safet Jašić: Evo ovako Komunalno javno društvo je dobilo njivu gore, nije dobilo groblje, nije dobilo lokaciju investitor ovog projekta je Općina Maglaj i treba privesti namjeni. Znači, treba privesti namjeni pa tražiti onda ovo o čemu mi govorimo. Ne kažem ja ove sitnice koje dolaze to su neznatna sredstva sigurno i nije u pitanju ta česmica i garantujem ja toliko oni možda i mogu napraviti, ne mogu više ništa. Evo rekla je direktorica ali ako hoćemo da pogledamo, da vidimo kakav to projekat svega toga izgleda pa ćete vidjeti da nismo realni u zahtjevima. Ja bih najviše volio da se privede namjeni i da Komunalno javno društvo to radi što treba da radi, mislim da znamo u kakvom je stanju Komunalno javno društvo i da ne može ništa posebno uraditi gore kada je to u pitanju. Ako hoćemo realno, nikoga ne brnaim niti koga obavezujem za nešto ali ima jedan redoslijed i nije se ni do sada puno toga uradilo i pored toga što je direktorica tek došla ako ima sredstava ja sam za to neka privede namjeni objekat, to je uredu ali mislim da će to dugo trajati jer evo znamo u kakvom je stanju Komunalno javno društvo, hvala.

Predsjedavajuća Aida Bašić: Hvala Jašić, gospođa Hadžić, izvolite.

Vijećnica Aida Hadžić: Ja samo predlažem da razmislimo do sljedeće sjednice o onoj Inicijativi ili Prijedlogu hajdi nije bila Inicijativa, bio je Prijedlog da zamijenimo da se konačno riješi ovaj problem sa Islamskom zajednicom na nekoj od prethodnih sjednica, mi smo to ispred DF-a predložili da se to zemljište zamijeni sa parcelom Islamske zajednice i mislim da bi onda to možda drugačije i moglo se riješiti a vjerujemo da će direktorica to u budućem periodu raditi.

Predsjedavajuća Aida Bašić: Hvala gospođo Hadžić. Da li se još neko javlja za riječ? Evo prije nego što zaključim raspravu, dužna sam odgovor gospodinu Eldinu i direktorica mu je to ustvari odgovorila da ova tačka se zove Plan i program rada Komunalnog javnog društva, te vaš prijedlog će moći biti razmatran na nekoj od narednih sjednica kada Odluka o poskupljenju komunalnih usluga bude kao tačka Dnevnog reda, zatvaram raspravu, te Plan i program rada Komunalnog javnog društva d.o.o. Maglaj za 2024. godinu stavljam na glasanje, ko je za?

Glasalo za: Svjetlana Zamboni, Elvir Arnautović, Jasmin Duhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik), Eldin Pehrat, Adis Abdurahmanović, Edin Salatović, Safet Jašić, Mirsad Bejić, Maida Suljaković, Eldis Kusur (SDA), Mirza Mešić (samostalni vijećnik), Aida Bašić (A-SDA), Aida Hadžić (DF).

Glasalo protiv: Nema.

Uzdržanih: Nema.

Da se uvažavaju sugestije koje su bile, 23 za, uzdržanih i protiv nema. Konstatujem da je Plan i program rada Komunalnog javnog društva d.o.o. Maglaj za 2024. Godinu dobio potrebnu većinu.

ZAKLJUČAK

11.1. Usvaja se Plan i program rada „Komunalno javno društvo“ d.o.o. Maglaj za 2024. godinu uz sve sugestije iznesene na sjednici.

AD – 12: Plan i program rada JP „Veterinarska stanica“ doo Maglaj za 2024. godinu

Predsjedavajuća Aida Bašić: Tačka 12. Plan i program rada JP Veterinarske stanica d.o.o. Maglaj za 2024. godinu. Otvaram raspravu, da li je potreban uvodničar, direktor gospodin Amer Šehić je ovdje s nama, da li želite da? Ne treba. Da li se neko javlja za riječ? Gospoda Hadžić izvolite, odlučila je danas na svaku tačku da osvrtno.

Vijećnica Aida Hadžić: Volim da se pojavljujem. Prošle godine kada je ova tačka bila na Dnevnom redu mi smo usvojili neke zaključke a jedna od njih je da se u ovom narednom Planu i programu rada Veterinarske stanice pojave neki finansijski pokazatelji, znači pored Plana i programa i finansijski plan a opet ga nema. Pa eto, barem od onog što dobijate.

Predsjedavajuća Aida Bašić: Hvala gospođo Hadžić, evo direktor će ponuditi odgovor zašto nema.

Amer Šehić: Prvo da poselamim i da pozdravim sve prisutne mada sam to već tokom dugih pauza ovdje uradio ali eto koga nisam slučajno pozdravio da ga pozdravim ovom prilikom. Da kažem ja sam ovaj Plan i program rada JP Veterinarska stanica predao blagovremeno još prije nekih 25 dana a tek sam jučer dobio ove finansijske, bili su obrađeni od knjigovodstvenog servisa, tako da ih nisam mogao ni prosljediti vama. Ja mislim da je planom obuhvaćeno skoro sve, tako da iskreno da vam kažem ne mogu sada da obratim tačno pažnju na svaku rečenicu ali ako vas nešto zanima ja ću vam u svakom slučaju pojasniti. Ako ima neko, neka slobodno pita.

Predsjedavajuća Aida Bašić: Hvala direktore. Da li se još neko javlja za diskusiju, ne javlja. Zatvaram raspravu te Plan i program rada JP Veterinarska stanica d.o.o. Maglaj za 2024. godinu stavljam na glasanje, ko je za?

Glasalo za: Svjetlana Zamboni, Elvir Arnautović, Jasmin Duhera, Arif Mujkanović, Damir Bašić, Anida Šahman Kepić, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Pero Mamić (HDZ BH), Edin Osmić (samostalni vijećnik), Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Maid Suljaković, Eldis Kusr (SDA), Mirza Mešić (samostalni vijećnik), Aida Bašić (A-SDA), Aida Hadžić (DF).

Glasalo protiv: Nema.

Uzdržanih: Nema.

Konstatujem da je Plan i program rada JP Veterinarska stanica d.o.o. Maglaj za 2024. godinu dobio potrebnu većinu.

ZAKLJUČAK

12.1. Usvaja se Plan i program rada JP „Veterinarska stanica“ doo Maglaj za 2024. godinu.

AD – 13: Informacija o stanju javnog reda i mira i bezbjednosti saobraćaja na području općine Maglaj za 2023. godinu

Predsjedavajuća Aida Bašić: Prelazimo na tačku 13. to je Informacija o stanju javnog reda i mira i bezbjednosti saobraćaja na području općine Maglaj za 2023. godinu, komandir Policijske stanice Maglaj je sa nama, strpljivo je sačekao i saslušao sve nas. Da li je potrebno da nam se obrati, jeste. Gospodin Mušić, izvolite.

Alen Mušić: Pozdravljam sve prisutne. Uglavnom vi ste dobili Informaciju o stanju bezbjednosti za 2023. godinu gdje je između ostalog su navedena tri segmenta bezbjednosti. Predsjedavajuća je ovdje spomenula javni red i mir i saobraćaj, ovdje u Informaciji i oblasti kriminaliteta. Ne bih vas zamarao i statističkim pokazateljima uglavnom su u Informaciji navedeni statistički pokazatelji. Ono što je bitno napomenuti u svim ovim segmentima i kriminalitet i javni red i mir i bezbjednost saobraćaja možemo konstatovati da je stanje generalno za sva tri ova segmenta za 2023. godinu zadovoljavajući. U ovim parametrima kada je u pitanju kriminalitet bitno je napomenuti da nismo imali krivičnih djela koja bi dovela do uznemirenja građana. Također nismo imali ni narušavanja

javnog reda i mira koja bi dovela do uznemiranja građana i sa učešćem većeg broja lica. Kada je u pitanju bezbjednost saobraćaja nažalost iz godine u godinu se ponavljaju saobraćajne nezgode sa smrtno stradalim licima i to su uglavnom na magistralnom putu M 17. Pored svih mjera koje poduzima Policijska stanica govorimo o preventivnom tako i represivnim mjerama. Kada je u pitanju bezbjednost saobraćaja uvijek imamo ove pokazatelje manje ili više uglavnom govorim ponavljam na M17 najčešće teške saobraćajne nezgode sa smrtno stradalim licima. Ja ne bih vam više uzimao vremena ako ima nekih pitanja stojim vam na raspolaganju, hvala.

Predsjedavajuća Aida Bašić: Hvala komandire. Evo rasprava je otvorena. Da li se neko javlja za riječ. Gospodin Jašić izvolite.

Vijećnik Safet Jašić: Kada je u pitanju Informacija o stanju javnog reda i mira i bezbjednosti saobraćaja na području općine Maglaj za 2023. godinu, mi imamo nekih svojih podataka pa malo ćemo. Ako pogledamo koji je najveći broj počinjenih krivičnih djela, nasilje u porodici 31, nasilničko ponašanje 20, ugrožavanje sigurnosti 20, teška krađa 26, oštećenje tuđih stvari 17, posjedovanje i omogućavanje uživanja opojnih droga 17, stavljanje u problem opojnih droga 4. Ako uzmemo u obzir da se počinjeni prekršaji po pitanju javnog reda i mira odnose u najvećem broju na naročito drsko ponašanje 113, svađa, vika i drsko ponašanje 35, kao i da su prekršaji po pitanju bezbjednosti saobraćaja počinjeni. Upravljanje pod uticajem alkohola 114, upravljanje bez položenog vozačkog ispita 33, neregistrovana vozila 61, može se zaključiti da su počiniooci sve bahatiji, sve više nasilni i da je organima reda sve teže i teže održavati stanje bezbjednosti na zadovoljavajućem nivou. Potrebno je popuniti nedostajući broj policajaca u Policijskoj stanici Maglaj što hitnije. Znači, da niko ne doživljava ovo kao nerad Policijske stanice ali smatramo da treba a znamo, imamo podatke da treba onaj maksimalno popuniti upražnjena mjesta u Policijskoj stanici i vjerovatno bi se ovo na jedan bolji način spriječavalo. Toliko. Hvala,

Predsjedavajuća Aida Bašić: Hvala gospodine Jašić. Da li se još neko javlja za diskusiju. Ukoliko nema zatvaram raspravu i konstatujem da Informaciju primamo k znanju.

ZAKLJUČAK

13.1. Prima se k znanju Informacija o stanju javnog reda i mira i bezbjednosti saobraćaja na području općine Maglaj za 2023. godinu.

AD – 14: Informacija o upravnom rješavanju i provedenim upravnim postupcima Jedinog organa uprave za 2023. godinu

Predsjedavajuća Aida Bašić: Prelazimo na tačku 14. a to je Informacija o upravnom rješavanju i provednim upravnim postupcima Jedinog organa uprave za 2023. godinu. Otvaram raspravu, da li je potreban uvodničar? Nije, zatvaram raspravu te konstatujem da Informaciju o upravnom rješavanju i provednim upravnim postupcima Jedinog organa uprave za 2023. godinu primamo k znanju.

ZAKLJUČAK

14.1. Prima se k znanju Informacija o upravnom rješavanju i provedenim upravnim postupcima Jedinog organa uprave za 2023. godinu.

AD – 15: Informacija o deminiranju, uklanjanju i uništavanju NUS-a na teritoriji općine Maglaj u 2023. godini

Predsjedavajuća Aida Bašić: Tačka 15. Informacija o deminiranju, uklanjanju i uništavanju neeksplozivnih ubojitih sredstava na teritoriji općine Maglaj u 2023. godini. Otvaram raspravu, da li je potreban uvodničar? Ne treba, zatvaram raspravu i konstatujem da Informaciju primamo k znanju.

ZAKLJUČAK

15.1. Prima se k znanju Informacija o deminiranju, uklanjanju i uništavanju NUS-a na teritoriji općine Maglaj u 2023. godini.

AD – 16: a) Informacija o gospodarenju šumama na području Zeničko-dobojskog kantona u 2022.

godini i planovi gospodarenja za 2023. godinu

b) Informacija o gazdovanju šumama na području općine Maglaj u 2021. i 2022. godini

Predsjedavajuća Aida Bašić: Tačka 16. a) Informacija o gospodarenju šumama na području Zeničko-dobojskog kantona u 2022. godini i Planovi gospodarenja za 2023. godinu i b) Informacija o gazdovanju šumama na području općine Maglaj u 2021/2022. godini. Otvaram raspravu. Gospodin Suljaković, ne želite. Gospodin Kusur izvolite.

Vijećnik Eldis Kusur: Znam da je strpljenje pri kraju, samo bih evò postavio pitanje da li postoji, to postavljam predstavnicima šumarije evò i zahvaljujem što su večeras s nama ovdje, pogotovo gospođa koja je već sa nama ovdje duže. Samo postavljam pitanje što se tiče novošeherskog kraja konkretno Koplje, Domislja, Čobe, Mladoševica, Novi Šeher da li postoji mogućnost da se u onom rejonu iznad Brezove Dane gore prema Tesliću odobri neki vidovi doznake sječe šume za domaćinstva. Da li postoji mogućnost, da li imate u Planu? Da li postoji mogućnost ili nema te mogućnosti zato što je to šumsko bogastvo u nekom dijelu isrepljeno. Samo me interesuje radi građanstva. U interesu je već dugo godina nema doznaka pa da nam se odgovori. Eto.

Predsjedavajuća Aida Bašić: Hvala gospodine Kusur. Evo gospođa Jasminka izvolite i hvala što ste strpljivo čekali da Vaša tačka dođe na red.

Jasminka Mečkić: Dobro veče svima, pozdrav. Ja ću odgovoriti na ovo pitanje iako to nije baš moja nadležnost to je nadležnost šumarije Žepče koja gazduje tim područjem. Znači, to je područje koje se vodi, taj lugaški dio Novi Šeher, 85 % se vodi kao minirano područje. Znači, da li je to stvarno minirano, da li nije ali se vodi kao minirano i sve te šume izuzete su od gazdovanja i Plana sječe. To što sada ljudi ulaze kao šumokradice i to, to je njihov problem. Eto ako je to, to jedino mogu da kažem.

Predsjedavajuća Aida Bašić: Hvala lijepo. Da li se još neko javlja za riječ? Ne javlja, zatvaram raspravu i konstatujem da smo Informaciju primili k znanju.

ZAKLJUČAK

16.1. Prima se k znanju Informacija o gospodarenju šumama na području Zeničko-dobojskog kantona u 2022. godini i planovi gospodarenja za 2023. godinu;

16.2. Prima se k znanju Informacija o gazdovanju šumama na području općine Maglaj u 2021. i 2022. godini

Predsjedavajuća Aida Bašić: Prelazimo na vijećnička pitanje i inicijative. Gospoda Hadžić, izvolite.

Vijećnica Aida Hadžić: Ovako ja sam dobila inicijativu iz JU Opća gimnazija Edhem Mulabdić Maglaj, gdje je literalna sekcija znači, članovi sekcije i Amela Hidić profesorica podnose Inicijativu pa bih je ja i pročitala. Ispred članova literalne sekcije ali i učenika škole koja nosi ime prvog bošnjačkog pisca upućujemo inicijativu za pronalaženjem načina kako bi se najprije osmislilo idejno rješenje a onda i uradio spomenik, spomen-obilježje, spomen kuća, spomen soba našem zavičajnom piscu Edhemu Mulabdiću. Predlažemo da se spomenik ili neka vrsta obilježja postave u starom dijelu grada odakle pisac i potiče ili na neko drugo prikladno mjesto za koje sami procijenite da je adekvatno. Posjetiozi koji pohode Maglaj kao gosti ili prolaznici često odule u stari dio grada koji smatramo jednim od ljepših u Bosni i Hercegovini pa bi smo uz našu Gradinu, džamiju Kuršumliju, Konak i slično time obilježjem imali još bogatiju turističku ponudu razgledavanju kulturno historijskih spomenika. Da ne čitam ovo očito nije interesantno ali evo zaista uz ovu Inicijativu da počnemo razmišljati o tom nekom muzeju koji mi spominjemo. Ja se nadam da će kroz organizaciju turističkog ureda ovo konačno krenuti. Mi zaista trebamo da li je to da kupimo neku od ovih kuća u Starom Gradu ali nešto, neko će već dobiti neku Inicijativu da riješimo ovaj problem. Imamo problem i muzeja a zaista i ovog spomen obilježja Edhemu Mulabdiću ako već ne može kuća njegova, može nešto slično a ima zaista divnih starih kuća koje bi se mogle otkupiti i naći načina da preuredimo u muzej, polako korak po korak.

Predsjedavajuća Aida Bašić: Hvala gospođu Hadžić. Da li ima više vijećničkih pitanja, Abdurahmanović, izvolite.

Vijećnik Adis Abdurahmanović: Ja imam dva vijećnička pitanja koja ću ponoviti iz prethodnog vremenskog perioda na koji nisam dobio odgovor. Tražim da mi se pisanim putem odgovori koliko su sredstava dobili sportski klubovi i sportska udruženja pojedinačno u toku 2023. godine iz Budžeta Općine a koja su opredijeljena za razvoj omladinskog sporta. Drugo s obzirom na značaj pitanja iz domena bezbjednosti učesnika u saobraćaju postavljam pitanje Načelniku, zašto se ne odgovara na akte vijeća mjesne zajednice a koji se odnose na izgradnju raskrsnice u Kosovi na M17 skretanje kod stadiona. Prvi dopis poslan je 03.05.2023. godine u formi traženja Informacije o statusu projekta raskrsnice dok je urgencija za odgovor zatražena 05.12.2023. godine. Kako se radi o značajnom i za bezbjednost građana važnom projektu. Volio bih samo da nam se odgovori samo dokle je došlo i šta je.

Predsjedavajuća Aida Bašić: Hvala Abdurahmanović. Ukoliko nema više vijećničkih pitanja i inicijativa, zaključujem sjednicu u 20.02 sati .

Sjednica zaključena u 20,02 sati.

Zapisničar

Elza Gračić Skejić



